

二十四史九通政典類要合編

唐

第 五 冊

新學社

PDG

卷一百二十九 唐一

帝系一

帝號改元 追尊皇帝 追諡皇帝 太上皇太皇太后皇太后 后妃 皇

太子皇子 皇太孫 公主 和番公主 宗室

卷一百三十 唐二

帝系一

宗室王侯 宗室宰相 外戚附

封建一

封建議 太祖世祖子孫王者 高祖子孫王者

卷一百三十一 唐三

封建二藩鎮附

太宗子孫王者 高宗子孫王者 中宗子孫王者 睿宗子孫王者 元宗子

孫王者 肅宗子孫王者 代宗子王者 德宗子王者 順宗子王者 憲

宗子孫王者 穆宗子王者 敬宗子孫王者 文宗子王者 武宗子王者

宣宗子王者 懿宗子王者 僖宗子王者 昭宗子王者 魏博藩鎮 鎮

冀藩鎮 盧龍藩鎮 淄青藩鎮 橫海藩鎮 宣武藩鎮 彰義藩鎮

澤潞藩鎮 鳳翔 靈夏

卷一百三十二 唐四

職官一

百官名位 三師三公 尚書省 左右僕射 左右丞都事 吏部尚書侍

郎 郎中員外郎 司封郎中員外郎 司勳郎中員外郎 考功郎中員外郎

戶部尚書侍郎郎中員外郎 度支郎中員外郎 金部郎中員外郎 倉部郎中

員外郎 禮部尚書侍郎郎中員外郎 祠部郎中員外郎 膳部郎中員外郎

主客郎中員外郎 兵部尚書侍郎郎中員外郎 職方郎中員外郎 駕部郎

中員外郎 庫部郎中員外郎 刑部尚書侍郎郎中員外郎 都官郎中員外郎

比部郎中員外郎 司門郎中員外郎 工部尚書侍郎郎中員外郎 屯田

郎中員外郎 虞部郎中員外郎 水部郎中員外郎 門下省侍中 門下侍

郎 左散騎常侍 左諫議大夫 給事中 左補闕拾遺 起居郎 典

儀 城門郎 符寶郎 宏文館學士 校書郎 中書省中書令 侍郎

舍人 右散騎常侍諫議補闕拾遺 起居舍人 通事舍人 集賢殿書

院學士直學士侍讀學士修撰官 校書正字 史館修撰 祕書省監丞 祕

書郎 著作郎 司天臺監丞 五官保章正監候司歷 五官靈臺郎挈壺正

司辰漏刻博士 殿中省監丞 進馬 尙食局 尙藥局 尙衣局 尙

舍局 尙乘局 尙輦局

卷一百三十三 唐五

職官二

內侍省 掖庭局 宮闈局 奚官局 內僕局 內府局 太子內坊局

內官 宮官尙宮局 尙儀局 尙服局 尙食局 尙寢局 尙功

局 宮正司正典正 太子內官 御史臺 太常寺 光祿寺 衛尉寺

宗正寺 太僕寺 大理寺 鴻臚寺 司農寺 太府寺

卷一百三十四 唐六

職官三

國子監 少府監 將作監 軍器監 都水監 左右衛 左右驍騎

左右武衛 左右威衛 左右領軍衛 左右金吾衛 左右監門衛

左右千牛衛 左右羽林軍 左右龍武軍 左右神武軍 左右神策軍

東宮官屬 東宮武官 王府官屬 牧尹刺史州縣官員 都督府 都

府 節度使 元帥都統招討等使 鎮戍 岳瀆關合

卷一百三十五 唐七

吏治一

循良

卷一百三十六 唐八

吏治二

酷吏

選舉一

貢舉 制舉 孝廉舉 武舉 童子科 舉人條例

卷一百三十七 唐九

選舉二

選授 選人條例 方伎 流外 納貲納粟 辟舉 考績

學校

國學 州縣鄉黨學 襄崇先聖 釋奠 廣文館 養老 經籍

卷一百三十八 唐十

田賦

田制 永業口分田 職分田 買賣質質禁令 水利田 屯田 賦稅

雜稅 徵輸事例 進奉羨餘 貢獻

卷一百二十九 唐十一

戶口

盛衰戶口數 丁中 逃戶

卷一百四十 唐十二

錢幣

平準

倉儲 和糴平糶 宮市

卷一百四十一 唐十三

平準

漕運 百官俸料錢 鬻爵 廢浮屠法附

卷一百四十二 唐十四

禮

禮儀篇目 吉禮事例 祭祀儀節 壇壝制度 神位次序 尊爵

玉幣 籩豆簠簋瓊鉶 牲牢 祝版 南北郊

卷一百四十三 唐十五

禮

大享明堂 明堂制度 祀五帝 大雩祈雨祈晴 朝日夕月風師雨師雷師

及諸星辰 祭司寒藏冰開冰

卷一百四十四 唐十六

禮

封禪 社稷 山川 禘祭 七祀 孔子廟釋奠禮 視學禮

卷一百四十五 唐十七

禮

享先農藉田 享先蠶親桑 太公廟 老君廟 高禱告祭 雜祀淫祠

卷一百四十六 唐十八

禮

后妃廟 諸太子廟 兄弟不合繼位昭穆議 時享薦新 朔望上食

禘祫 功臣配享 祭先代帝王 諸侯大夫士庶宗廟 毀藏神主議 諸

廟神主焚毀

卷一百四十七 唐十九

禮

謁陵巡陵及諸節上食起居日祭 寒食上墓 巡狩 遇大雨雪廢祭 喪廢

祭議 蕃主來朝 都督刺史等朝覲 諸蕃遣使朝賀 三恪二王後

朝謁班序

卷一百四十八 唐二十

禮

親征 宣露布 講武 蒐狩 射禮 大射 合朔代鼓 大儺

皇帝加元服 皇太子加元服 皇子及諸臣之嫡子庶子冠禮

卷一百四十九 唐二十一

禮

皇帝納后 皇太子納妃 親王納妃 公主出降及拜舅姑 公侯大夫士庶

婚禮 男女婚嫁年紀議 周喪不可嫁娶議 外屬無服尊卑不通婚議

元正冬至朝賀而會 尋常朝參 朝儀 開筵英儀

卷一百五十 唐二十二

禮

臨軒冊皇太子 皇太子監國 太子拜敬三師 讀時令 三老五更 諸

王公主敬姑叔 僧尼不受父母拜及立位議 王侯在喪襲爵議 鄉飲酒

正齒位 大喪及山陵制 總論喪期 諸侯及公卿大夫爲天子服議 宗室

童子爲天子服議 復及告喪沐浴 含襲 設銘 懸重 小斂 小斂

奠 大斂 大斂奠 殯儀 將葬筮宅 啟殯朝廟

卷一百五十一 唐二十三

禮

薦車馬明器及飾棺 祖奠 遣奠 挽歌 葬儀 虞祭 耐祭 小

祥變 大祥變 禫變 帝王諡號儀 單復諡儀 已遷主諱議

卷一百五十一 唐二十四

樂

雅樂 樂縣 八音 權量 破陳樂 慶善樂 訛樂 鼓吹

樂部 清樂 散樂 諸樂 四夷樂 法曲小部 馬戲

卷一百五十三 唐二十五

兵

府兵 驍騎 方鎮兵 禁衛兵 牧政 軍器 車戰 水攻 推人事

破災異

卷一百五十四 唐二十六

刑

刑制生 考訊 詳讞 徒流配沒 赦宥附 斷屠殺贖

卷一百五十五 唐二十七

刑

守正 寬恕 嚴酷 贖刑 審斷程限

卷一百五十六 唐二十八

輿服

乘輿車旗鹵簿

后妃命婦以下車輦鹵簿

皇太子皇子公卿以下車輦鹵簿

天子冠冕服章

后妃命婦以下首飾服章

皇太子皇子公卿以下冠冕服章

璽印符服玉佩

卷一百五十七

唐二十九

天文

渾天儀黃道游儀

中晷

十二次分野

日食

日變

月變

孛彗

卷一百五十八

唐三十

天文

月五星凌犯

雜星變

流星星隕

星晝見

五星聚合

客星

虹蜺

雲氣

太史局

卷一百五十九

唐三十一

律曆

戊寅元曆

麟德甲子元曆

卷一百六十

唐三十二

律歷

開元大衍歷

卷一百六十一 唐三十三

律歷

寶應五紀歷 建中正元歷

卷一百六十二 唐三十四

律歷

長慶宣明歷 景福崇元歷

卷一百六十三 唐三十五

方輿

封畛 五都 十道 方域道里

卷一百六十四 唐三十六

宦官

宦者上 宦者下 此依新唐書分卷舊目謹按唐代宦官司典樞密掌握兵符廢君立

君盜弄神器延及末造藩鎮遂起國祚遂墟其禍視漢明爲尤烈故出宦者於職官而別輯

其事實云

卷一百六十五 唐三十七

藩鎮

天寶以後藩鎮 唐末藩鎮 謹按唐藩鎮之禍由官官而起故以二事相連屬其出藩

鎮於封建猶之出官者於職官云

卷一百六十六 唐三十八

四裔

北突厥 西突厥 沙陀突厥 迴紇

卷一百六十七 唐三十九

四裔

吐蕃 高麗 百濟 新羅 倭國 日本 流鬼

卷一百六十八 唐四十

四裔

林邑 婆利 盤盤 眞臘 陀洹 訶陵 墮和羅 墮婆登

東謝蠻 西趙蠻 牂牁蠻 南平獠 東女國 南詔蠻 驃國

泥婆羅 黨項羌 高昌 吐谷渾 焉耆 龜茲 疎勒 于闐

天竺 罽賓 康國 波斯 拂菻 大食 鐵勒 契丹 奚

室韋 靺鞨 渤海靺鞨 霫 烏羅渾

二十四史九通政典類要合編卷一百二十九

唐一

帝系

帝號 唐元追尊皇帝 子 皇太孫 公主

追諡皇帝 太上皇帝 太后皇太后

和蕃公主 宗室

后妃

皇太子皇

高祖神堯大聖大光孝皇帝諱淵字叔德姓李氏隴西成紀人也義寧二年隋帝遜位於三讓乃受

武德元年即皇帝位於太極殿九年傳位皇太子貞觀九年崩於垂拱前殿年七十一按舊唐書作七十通考作七十

二十 諡曰大武廟號高祖上元元年改諡神堯皇帝天寶八載諡神堯大聖皇帝十二載增諡神堯

大聖大光孝皇帝唐書本紀

改元一

武德九 通考帝系考

太宗文武大聖大廣孝皇帝諱世民高祖次子也母曰太穆皇后竇氏武德元年封秦王九年以兵

入玄武門殺太子建成高祖乃以為皇太子即位於東宮顯德殿貞觀二十二年崩於含風殿年五

十三按舊唐書通考俱作五十二 諡曰文上元元年改諡文武聖皇帝天寶八載諡文武大聖皇帝十三載增諡

文武大聖大廣孝皇帝唐書本紀

改元一

貞觀二十二 通考帝系考

高宗天皇大聖大宏孝皇帝諱治字為善太宗第九子也母曰文德皇后長孫氏始封晉王貞觀十

七年立為皇太子二十二年即位宏道元年崩於貞觀殿按貞觀殿在東都 年五十八諡曰天皇大帝天寶

八載改諡天皇大聖皇帝十三載增諡天皇大聖大宏孝皇帝唐書本紀

改元十四永徽六 顯慶五 龍朔三 麟德二 乾封二 總章二 咸亨四 上元二 儀鳳三 調露元 永龍元 開耀元 永清元 弘道元 通考帝系考

中宗太和按通考作孝和舊唐書同大聖大昭孝皇帝諱顯高宗第七子也母曰則天順聖皇后武氏顯慶二年

封周王儀鳳二年徙封英王更名哲永隆元年立為皇太子宏道元年即位嗣聖元年廢居於均州

又遷於房州聖歷元年復為皇太子神龍元年復於位復國號唐上尊號曰應天皇帝景龍元年按舊唐書作神龍三年上尊號曰應天神龍皇帝四年崩按舊唐書崩於神龍殿年五十五按舊唐書作五十通考同諡曰孝武皇帝天

寶十三載加諡大和大聖大昭孝皇帝唐書本紀

改元三嗣聖一 景龍二 神龍二

武后改元十二光宅元 垂拱四 永昌元 載初元 天授二 長壽二 延載元 天冊萬歲元 萬歲通天元 神功元 聖歷一 久視元 長安四 通考帝系考

睿宗元真大聖大興孝皇帝諱旦高宗第八子中宗母弟龍朔二年生於長安其年封殷王總章二

年徙封冀王初名旭輪至是去旭字儀鳳三年改名曰徙封豫王嗣聖元年則天臨朝廢中宗立為

皇帝及革命改國號為周降為皇嗣神龍元年進號安國相王景龍四年按唐書作唐隆元年即位御承天門

樓改元景雲延和元年傳位皇太子開元四年崩於百福殿年五十五諡曰大聖貞按唐書作天聖真皇帝

天寶十二載改諡曰元真大聖大興孝皇帝舊唐書本紀

改元三景雲二 太極元 延和元

通考帝系考

元宗至道大聖大明孝皇帝諱隆基睿宗第三子也母曰昭成皇后竇氏始封楚王後爲臨淄郡王景龍四年以兵誅韋氏睿宗卽位立爲皇太子延和元年卽位開元元年按舊唐書作光天二年上尊號曰

元神武皇帝二十七年上尊號曰開元聖文神武皇帝天寶元年上尊號曰開元天寶聖文神武皇帝七載上尊號曰開元天寶聖文神武應道皇帝八載上尊號曰開元天地大寶聖文神武證道孝德按舊唐書無聖文應道二字

神武應道皇帝十三載按舊唐書作十二載上尊號曰開元天地大寶聖文神武證道孝德按舊唐書作孝德證道皇

帝十五載皇太子卽位於靈武以開至德二載上尊號曰太上至道聖皇天帝按舊唐書無天帝二字上元元年

按舊唐書作乾元二年徙居於西內元年建巳月按舊唐書作上元二年四月崩於神龍殿年七十八唐書本紀按通考舊唐書俱作七十七

改元三先天元 開元二十九 天寶十四 通考帝系考 按舊唐書天寶俱十五

肅宗文明武德大聖大宣孝皇帝諱亨元宗第三子也母曰元獻皇后楊氏初名嗣昇封陝王開元

十五年更名浚徙封忠王二十三年又更名璵二十六年立爲皇太子二十八年按舊唐書作二十六年又更名

紹天寶三載又更名亨五十載卽位於靈武乾元元年按舊唐書作至德三載上皇授傳國受命寶符冊號曰

光天文武大聖孝感皇帝二年上尊號曰乾元大聖光天文武孝感皇帝上元二年去乾元大聖光

天文武孝感號去上元號稱元年寶應元年崩於長生殿年五十二唐書本紀按通考作五十一舊唐書同

改元四至德一 乾元一 上元一 寶應元 通考帝系考

代宗睿文孝武皇帝諱豫肅宗長子也母曰章敬皇后吳氏初名俶封廣平郡王至德二載進封楚

王乾元元年徙封成王立爲皇太子更名豫寶應元年卽位廣德元年按舊唐書作上尊號曰寶應應寶二年

元聖文武孝皇帝大曆十四年崩於紫宸內殿年五十三唐書本紀

改元三廣德二 永泰二 大曆十四 通考帝系考

德宗神武聖文按舊唐書文獻通考俱作孝文皇帝諱道代宗長子也母曰睿眞皇太后沈氏肅宗元年建丑月封

奉節郡王代宗卽位進封魯王八月徙封雍王廣德二年立爲皇太子大曆十四年卽位建中元年

下尊號曰聖文神武皇帝貞元二十一年崩於會寧殿年六十四唐書本紀 按通考作六十三舊唐書同

改元三建中四 興元元 貞元二十一 通考帝系考

順宗至德宏道大聖大安孝皇帝按舊唐書無宏道二字通考同諱誦德宗長子也母曰昭德皇后王氏始封宣城

郡王大曆十四年進封宣王十二月按舊唐書作建中元年立爲皇太子貞元二十一年卽位永貞元年八月

按舊唐書作貞元二十一年立皇太子爲皇帝自稱太上皇元和元年正月上尊號曰應乾聖壽太上皇是月崩

於咸寧殿年四十六諡曰至德大聖大安孝皇帝大中三年增諡至德宏道大聖大安孝皇帝唐書本紀

改元一永貞 通考帝系考

憲宗昭文章武大聖至神按舊唐書作聖神章武無大聖至神四字通考同孝皇帝諱純順宗長子也母曰莊憲皇太后王

氏貞元四年封廣陵郡王二十一年立爲皇太子永貞元年卽位元和三年上尊號曰睿聖文武皇

帝十四年上尊號曰元和聖文神武法天應道皇帝十五年正月宦者陳宏志等反庚子崩年四十

三 按通鑑作四 諡曰聖神章武孝皇帝大和三年加諡昭文章武大聖至神孝皇帝

唐書本紀

改元一

元和十五 通 考帝系考

穆宗睿聖文惠孝皇帝諱恒憲宗第三子也母曰懿安皇太后郭氏始封建安郡王進封遂王元和七年立爲皇太子十五年卽位長慶元年上尊號曰文武孝德皇帝四年崩於清思殿年三十

唐書本紀

改元一

長慶四 通 考帝系考

敬宗睿武昭愍孝皇帝諱湛穆宗長子母曰恭僖太后王氏長慶元年封景王二年立爲皇太子四年卽位寶曆元年上尊號曰文武大聖廣孝皇帝二年十二月中官劉克明等同謀害帝卽時殂於室丙年十八

舊唐書本紀

改元一

寶曆三 通 考帝系考 按新舊唐書俱作寶曆二

文宗元聖昭獻孝皇帝諱昂穆宗第二子母曰貞獻皇后蕭氏長慶元年封江王初名涵寶曆二年敬宗遇害樞密使王守澄中尉梁守謙率禁軍討賊誅絳王迎於江邸卽位於宣政殿開成五年崩於太和殿年三十二

舊唐書本紀 按通 考作三十二 唐書同

改元二

大和九 開成五 通 考帝系考

武宗至道昭肅孝皇帝諱炎穆宗第五子也母曰宣懿皇太后韋氏始封潁王開成五年文宗疾大漸仇士良魚宏志矯詔廢皇太子成美立爲皇太弟卽位會昌二年上尊號曰仁聖文武至神大孝

皇帝五年上尊號曰仁聖文武章天成功神德明道大孝皇帝八年崩於大明宮年三十二

唐書本紀

改元一 會昌六通考帝紀考

宣宗元聖至明成武獻文睿智章仁神聰懿道大孝

按舊唐書通考俱作聖武獻文孝

皇帝諱忱憲宗第十三子母

曰孝明皇太后鄭氏始封光王會昌八年武宗疾大漸左神策護軍中尉馬元贇立爲皇太叔卽位

大中二年上尊號曰聖敬文思和武光孝皇帝十三年崩於咸寧殿年五十諡曰聖武獻文孝皇帝

咸通十三年加諡元聖至明成武獻文睿智章仁神聰懿道大孝皇帝

唐書本紀

改元一 大中十三通考帝系考

懿宗昭聖恭惠孝皇帝諱漼宣宗長子母曰元昭皇太后暹氏始封郾王大中十二年宣

按舊唐書作晁氏

宗疾大漸左神策護軍中尉王宗實副使元寶瑜詔立爲皇太子卽位咸通三年上尊號曰睿文

明聖孝德皇帝十一年上尊號曰睿文英武明德至仁大聖廣孝皇帝十四年崩於咸寧殿年四十

一 唐書本紀

改元一 咸通十四通考帝系考

僖宗惠聖恭定孝皇帝諱儂懿宗第五子也母曰惠安皇太后王氏始封普王名儼咸通十四年懿

宗疾大漸左右神策護軍中尉劉行深韓文約立爲皇太子卽位乾符元年

按舊唐書作二年

上尊號曰聖

神聰睿仁哲明孝皇帝光啟元年上尊號曰至德光烈

按舊唐書有孝子

皇帝文德元年崩於武德殿年二

十七唐本紀 按通考作
三十五應誤唐書同

改元五乾符六 廣明元 中和四 光
文德元 通考帝系考

昭宗聖穆景文孝皇帝諱晔懿宗第七子母曰惠安太后 按唐書本紀列傳俱作恭惠皇太后 王氏咸通十二年封壽

王名傑文德元年立為皇太弟即位大順元年上尊號曰聖文廣德光武宏孝皇帝天祐元年八月

朱全忠令蔣元暉等弒於椒殿 按椒殿在東都 年三十八 舊唐書本紀

改元七龍紀元 大順二 景福二 乾寧四 光
化三 天復三 天祐元 通考帝系考

昭宣光烈孝皇帝諱祝昭宗第九子也母曰皇太后 按舊唐書作積善太后 何氏始封輝王朱全忠已弒昭宗

矯詔立為皇太子監軍國事天祐元年八月即位四年三月遷於位徙於曹州號濟陰王梁開平二

年二月遷弒年十七諡曰哀帝後唐明宗追謚昭宣光烈孝皇帝 唐書本紀

改元 盡天祐四年
通考帝系考

右帝號 改元

獻祖宣皇帝諱熙 按本紀涼武昭王壽生欲魏金門鎮將戍於武川因留家焉武德元年追謚曰宣

簡公上元元年 按舊唐書作威亨五年 追尊為宣皇帝 唐書本紀

懿祖光皇帝諱天賜 按宣皇帝長子 仕魏為幢主武得元年追謚曰懿王上元元年 按舊唐書作威亨五年 追尊為光

皇帝 唐書本紀

太祖景皇帝諱虎

按光皇帝第二子

西魏時賜姓大野氏官至太尉佐周伐魏有功周受禪追封唐國公武

德元年追諡曰景皇帝

唐書本紀

世祖元皇帝諱貴

按景皇帝第二子

襲封唐公隋安州總管柱國大將軍武德元年追諡曰元皇帝

唐書本紀

右追尊皇帝

孝敬皇帝宏高宗第五子也永徽四年封代王顯慶元年立為皇太子上元二年從幸合璧宮尋薨

按唐書作遇魘薨

諡為孝敬皇帝

舊唐書列傳

殤皇帝重茂中宗第四子也聖曆三年封北海王神龍初進封溫王中宗崩韋庶人立為帝及韋氏

敗遂遜位讓相王景雲二年改封襄王開元二年薨諡曰殤皇帝

舊唐書列傳

讓皇帝憲本名成器睿宗長子也初封永平郡王文明元年立為皇太子及睿宗降為皇嗣冊為皇

孫長壽二年改封壽春郡王中宗即位改封蔡王唐隆元年進封宋王開元四年改名憲封為寧王

二十九年薨追諡讓皇帝

舊唐書列傳

奉天皇帝琮元宗長子也本名嗣直景雲元年封許昌郡王先天八年進封鄭王開元十三年改封

慶王改名潭十五年改名琮天寶十載薨贈靖德太子肅宗元年追冊為奉天皇帝

舊唐書列傳

承天皇帝儀肅宗第三子也天寶中封建寧郡王為張良娣李輔國所構賜死代宗即位追贈齊王

大曆三年追諡承天皇帝

舊唐書列傳

右道諡皇帝

唐高祖武德九年詔禪位於皇太子稱太上皇。上皇以宏義宮有山林勝景雅好之。貞觀三年四月乃徙居之。改爲大安宮。上屢請上皇避暑九成宮。上皇以隋文帝終於彼惡之。乃營大明宮。以爲上皇消暑之所。未成而上皇寢疾不果。居九年崩。

高宗崩太子卽位詔軍國大事聽天后處分。元年天后廢帝遷之房陵立睿宗。幽於別宮。五年自稱聖母神皇殺唐宗室諸王。又二年自稱大周聖神皇帝。以睿宗爲皇嗣賜姓武氏。追諡祖考爲帝。立武后七廟封武三思等爲王。又十四年張柬之等奉中宗誅張易之張昌宗帝復位。其年后崩。

韋氏鸞弒中宗立殤帝爲皇太后。臨朝總庶政。臨淄王隆基舉兵誅之。追廢爲庶人。

睿宗在位二年制傳位於太子尊爲太上皇。上皇自稱曰朕。命曰詔。五日一受朝於太極殿。皇帝自稱曰予。命曰制。敕曰受朝於武德殿。三品以上除授及大刑政決於上皇。餘皆決於皇帝。明年七月上誅太平公主及其黨。上皇誥自今軍國政刑一皆取皇帝處分。朕方無爲養志以遂素心。是月徙居百福殿。開元四年上皇崩。

肅宗至德元年卽位於靈武。尊元宗曰上皇。天帝靈武使者至蜀上皇喜曰吾兒應天順人吾復何憂。命韋見素房琯崔渙奉傳國寶玉冊詣靈武。傳位二年克復兩京。使韋見素入蜀奉迎上皇。上皇自開遠門入大明宮。御含元殿慰撫百官。乃詣長樂殿九廟主慟哭久之。卽日幸興慶宮。遂居之上。

元元上年寢疾輔國矯詔將五百騎露刃迎上皇遷居甘露殿上皇驚幾墜所留侍衛纔庭老數十人流力士等於遠方輔國等詣上請罪上曰卿防微杜漸以安社稷何懼也自是上皇日以不懌辟穀成疾上初猶往問安既而但遣人起居寶應元年上皇崩

順宗永貞元年德宗崩卽位疾不能視事傳位太子純稱太上皇憲宗元和元年太上皇崩

憲宗立尊順宗王皇后爲皇太后十年崩年五十四

穆宗立尊憲宗郭后爲皇太后敬宗立尊爲太皇太后敬宗立尊穆宗王后爲皇太人文宗時稱寶曆太后太和五年宰相建言以太皇太后與寶曆太后稱號朱辨前代詔令不敢斥言皆以宮爲稱

今寶曆太后居義安殿宜曰義安太后詔可會昌五年崩

文宗立尊母蕭氏爲皇太后太和中懿安太后居興慶宮憲宗后文宗祖母寶曆太后居義安殿穆宗妃敬宗母后

居內殿穆宗妃文宗母號三宮太后帝每五日問安及歲時慶謁率由複道至南內羣臣及命婦詣宮門候起居有司獻四時新物送三宮亦稱賜帝曰上三宮何可言賜遶索筆改賜爲奉

按唐自肅宗張后之後未嘗有正位長秋者史所載皇后皆追贈其太后則皆所生子爲帝而

奉上尊號者也憲宗以郭汾陽孫女爲妃既爲合族又有叔德可以正位矣乃以其宗強恐既

立之後後宮不得進遂終身爲妃自後人主皆不立后然文宗崩既有太子仇士良等廢之而

立武宗武宗崩既有皇子諸宦官廢之而立宣宗宣宗崩遣命立夔王王宗實等廢之而立懿

宗雖當時中人專橫今古所無然亦因椒房虛位宮闈無主所謂皇子者皆無寵無威之人故上躬彌留之際宰輔既隔在外庭中人遂得以肆行無忌顯違詔旨私立所厚而莫由禁止也

以上均通考帝系考

宣宗立母鄭故侍兒有曩怨帝奉養后禮稍薄后鬱鬱不聊太中二年暴崩

通考帝系考

宣宗立尊母鄭妃爲皇太后懿宗尊爲太皇太后咸通六年崩

通考帝系考 按此二條原書在敬宗上似誤

昭宗爲朱全忠所弑哀帝卽位尊何后爲皇太后徙居積善宮號積善太后帝既禪位后亦遇害

通考帝系考

右太上皇太皇太后皇太后

高宗太穆順聖皇后竇氏京兆平陵人父毅周上柱國歸於高祖隋大業時崩於涿郡年四十五高

祖卽位追謚皇后

太宗文德順聖皇后長孫氏河南洛陽人

按舊唐書作長安人唐書同

父晟歸於太宗帝卽位爲皇后貞觀十年

崩年三十六

太宗賢妃徐惠湖州長城人帝聞其文名召爲才人永徽元年卒

高宗廢后王氏并州祁人初納爲晉王妃卽位立爲皇后永徽六年爲武才人所譖廢爲庶人後爲

武氏所殺

以上均通考帝系考

高宗則天順聖皇后武氏并州文水人父士讓太宗聞女美召為才人賜號及帝崩與嬪御皆為比邱尼高宗為太子時入侍悅之它日過佛廬才人見且泣引內後宮進為昭儀誣后與母厭勝帝詔廢后進昭儀為皇后盜威福施無憚避帝晚益病風不支天下事一付后上元元年按舊唐書作咸亨五年

進號天后帝崩中宗即位稱皇太后嗣聖元年廢帝為廬陵王自臨朝以睿宗即位自號聖母神皇按舊唐書垂拱四年按舊唐書作神皇聖改寶圖曰天授聖圖載初中肆斬殺怖天下改國號周自稱聖神皇帝以皇帝

為皇嗣立武氏七廟罷唐廟為享德廟按舊唐書天授二年長壽明年又自加號金輪聖神皇帝延載二年按舊唐書聖元年按舊唐書加號天冊金輪聖神皇帝神龍元年中宗復位徙上陽宮是歲崩年八十一按舊唐書遺

制稱則天大聖皇太后諡曰則天大聖皇后唐書列傳按舊唐書入本紀中宗和思順聖皇后趙氏京兆長安人父瓌按唐書作瓌帝為英王聘為妃後為武氏所殺神龍初

追諡后中宗崩韋庶人既廢有司乃請以后耐定陵

中宗庶人韋氏京兆萬年人父元貞帝在東宮被選為妃嗣聖初立為后後隨帝遷房陵帝復位復正中宮唐隆元年秋帝臨淄王隆基討而誅之追廢為庶人

尚官昭容名婉兒父儀得罪死沒入掖庭武后時掌內詔命中宗復位拜詔容後以韋氏黨為臨淄王所誅以上均通考帝系考

睿宗肅明順聖皇后劉氏儀鳳中帝在瀛納為孺人俄為妃帝即位為皇后會帝降號皇嗣復為妃

長壽二年爲武后設之宮中景雲元年追諡肅明皇后

睿宗昭成順聖皇后竇氏父孝謙帝爲相王納爲猶人卽位進德妃生玄宗與肅明同追諡並招魂葬東都之南帝崩追稱皇太后與肅明耐檢陵初太常加諡后曰大昭成或言法宜引聖貞元諡而曰大昭成非也以單言配之應曰聖昭若睿宗以復言配之應曰大聖昭成聖眞昭成又引太穆皇后始諡穆及高祖崩合帝諡曰太穆追增太穆神皇后文德皇后始諡文德及太宗崩合諡文德聖皇后又援范曄著漢光烈等爲比太常謂曄以帝號標后諡是史家記事體婦人非必與夫同也入廟稱后繫夫在朝稱太繫于文母生號也文王既沒諡追周公豈以夫從婦乎漢法不可以爲據制曰可天寶八載制詔自太穆而下八皇后並增上順聖二諡云

以上均唐書列傳

元宗皇后王氏同州下邳人梁冀州刺史神念裔孫帝爲臨淄王聘爲妃卽位立爲皇后開元十二年以罪廢爲庶人寶應初追復后號

元宗貞順皇后武氏父攸止幼入宮帝卽位得幸封惠妃禮秩比皇后生壽王瑁薨贈皇后及諡元宗元獻皇后楊氏父知慶帝在東宮爲良媛生肅宗爲貴嬪肅宗卽位追諡皇后

元宗貴妃楊氏蒲州永樂人父元珍幼孤養叔父家始爲壽王妃帝悅之乃令其正爲女官號太眞潛納之宮中天寶初冊貴妃安祿山反上幸蜀陳元禮等誅楊國忠賜妃死時年二十八

肅宗廢后庶人張氏鄧州向城人父去逸帝在東宮爲良娣乾元初拜淑妃繼立爲皇后帝六漸后

謀廢太子李輔國等矯詔廢而殺之

肅宗章敬皇后吳氏濮州濮陽人父令珪坐事死故后幼入掖庭元宗以賜帝幸之至代宗年十八

薨代宗卽位追尊爲后合葬建陵

以上均通考帝系考

肅宗韋妃父元珪肅宗爲忠王時納爲孺人及昇儲位爲太子妃天寶中宰相李林甫不利於太子妃兄堅爲刑部尙書林甫羅織起柳勣之獄堅連坐得罪兄弟並賜死太子懼上表自理言與妃情義不睦請離婚玄宗慰撫之聽離妃遂削髮被尼服居禁中佛舍西京失守妃亦陷賊至德二年薨

於京城

舊唐書列傳按唐書通考俱未載

代宗貞懿皇后獨孤氏父穎帝卽位冊貴妃生韓王迥大厯十年薨追號爲皇后

代宗睿眞皇后沈氏吳興人開元末以良家子入東宮太子以賜廣平王生德宗天寶亂賊囚后東

都王入洛方北討而河南再爲史思明所陷遂失夫

按新舊唐書無太子

后所在德宗立訪求不得建中初上

皇太后尊號憲宗卽位詔以大行啓殯曰爲后發哀內殿上太皇太后謚冊附代宗廟

德宗昭德皇后王氏本仕家子帝爲魯王時納爲嬪生順宗旣卽位冊號淑妃貞元三年冊爲后其

年后崩

以上均通考帝系考

代宗崔妃博陵安平人父岫母楊氏韓國夫人天寶中韓國虜國之寵冠於戚里故玄宗選韓國之

女嬪于廣平邸初妃挾母氏之勢性頗妬悍及西京陷賊母黨皆誅妃從王至靈武恩顧漸薄達京

而薨舊唐書列傳 按唐書過考未載

德宗賢妃韋氏以戚里舊族爲良娣德宗貞元四年冊拜賢妃帝崩自表留奉崇陵園元和時薨
順宗莊憲皇后王氏琅邪人代宗時以良家選入宮爲才人順宗在藩以才人賜之生憲宗冊爲良
娣憲宗內禪尊爲太上皇后

憲宗懿安皇后郭氏汾陽王子儀之孫父曖憲宗爲廣陵王聘以爲妃生穆宗元和元年進冊貴妃
羣臣請立爲后帝以掖庭多嬖讒恐后得尊位鉗掣不得肆故終不立穆宗嗣位尊爲皇太后
憲宗孝明皇后鄭氏丹陽人初爲李錡侍人錡反誅入掖庭帝幸之生宣宗宣宗爲光王爲王太妃
帝卽位尊爲皇太后

穆宗恭僖皇后王氏越州人本仕家子侍帝東宮生敬宗長慶時冊爲妃敬宗立尊爲皇太后
穆宗貞獻皇后蕭氏閩人穆宗爲建安王后得侍生文宗文宗立尊爲皇太后

穆宗宣懿皇后韋氏失其先世穆宗爲太子得侍生武宗長慶時冊爲妃武宗立妃已亡追冊爲皇
太后

尚宮宋若昭貝州清陽人世以儒聞父廷芳能辭章生五女皆警慧善屬文長若莘次若昭若倫若
憲若荀莘昭文尤高皆不肯與寒賸凡裔爲姻對貞元中昭義節度使李抱眞表其才德德宗召入
禁中試文章經史大義悉留之宮中高其風操不以妾待命之呼學士若莘卒若昭嗣拜尚宮憲

穆敬三朝皆呼先生后妃與諸王率以師禮見昭賢歷初卒若憲代司秘書後以罪賜死

敬宗貴妃郭氏父義長慶時妃以容入太子宮太子即位為才人生晉王普進為貴妃文宗時薨

武宗賢妃王氏邯鄲人失其世年十三入宮穆宗以賜穎王王嗣位進號才人帝崩才人亦自盡宣

宗嘉之贈賢妃

宣宗元昭皇后彘氏不詳其世少入邸見寵帝即位為美人生懿宗大中時薨贈昭容懿宗立追尊

為皇太后

懿宗惠安皇后王氏亦失所來咸通中冊貴妃生晉王七年薨後王即位為僖宗追尊為皇太后

懿宗淑妃郭氏幼入邸王邸即位以為美人進拜淑妃黃巢之亂流落不知所終

懿宗恭憲皇后王氏其出至微咸通中得幸生壽王王立是為昭宗追號皇太后

昭宗皇后何氏梓州人系族不顯帝為壽王納之即位號淑妃後冊為皇后帝遇弑哀帝即位尊為

皇太后後卒為朱全忠所害

以上均通考帝系考

右后妃

唐高祖二十子竇皇后生隱太子建成太宗皇帝衛懷王元霸巢刺王元吉萬貴妃生楚王智雲

莫嬪生荆王元景孫嬪生漢王元昌伊德妃生鄆王元亨張氏生周王元方郭婕妤生徐王元禮宇

文昭儀生韓王元嘉魯王元嬰王才人生彭王元則張寶林生鄭王元懿張美人生霍王元軌楊美

人生親王鳳劉健仔生道王元慶崔嬪生鄧王元裕小楊嬪生舒王元各楊嬪生江王元祥魯才人

生密王元曉柳寶林生滕王元嬰

按原書脫鄧王元裕小楊嬪生八字據唐書列傳增補

太宗十四子文德皇后生常山愍王承乾漢王泰高宗皇帝後宮生楚王寬楊妃生吳王恪蜀王愔

陰妃生齊王祐王氏生蔣王暉燕妃生越

按原書作楚據新舊唐書改

王貞江王囂韋妃生紀王慎後宮生代王

簡楊妃生趙王福楊氏生曹王明

高宗八子後宮劉氏生燕王忠鄭氏生原悼王孝楊氏生澤王上

按原書無上字據新舊唐書增

金蕭淑妃生許王

素節武后生孝敬皇帝宏章懷太子賢中宗睿宗

中宗四子韋庶人生懿德太子重潤後宮生譙王重福節愍太子重俊殤帝

睿宗六子肅明皇后生讓皇帝憲宮人柳氏生惠莊太子攜昭成皇后生元宗崔孺人生惠文太子

範王德妃生惠宣太子業後宮生隋王隆悌

元宗三十子劉華妃生奉天皇帝琮靖恭太子琬儀王璿趙麗妃生太子瑛元獻皇后生肅宗錢妃

生棣王珍皇甫德儀生鄂王瑤劉才人生光王琚武惠妃生夏悼王一懷思王敏及壽王瑁盛宣王

琦高捷仔生汴穎王璿郭順儀生永王璘柳健仔生延王汾鍾美人生濟王環盧美人生信王璿閻

才人生義王玘王美人生陳王珪陳才人生豐王珙鄭才人生恒王璿武賢儀生涼王瑤汴哀王璿

餘七子天母氏失傳

按原書脫夏悼王一四字穎王璿作哀王璿據新舊唐書增改

肅宗十四子章敬皇后生代宗宮人孫氏生越王係張氏生承天皇帝俊王氏生衛王泌陳健仔生彭王僅韋妃生究王儻張美人生涇王僊後宮生鄆王榮裴昭儀生襄王儼段健仔生杞王僊崔妃生召王僊張皇后生恭懿太子召定王侗後宮生僖

代宗二十子睿真皇后生德宗崔妃生昭靖太子邈貞懿皇后生韓王迥其均王遐睦王述丹王逾恩王連簡王邁益王迺隋王迅荆王選蜀王遡忻王造韶王暹嘉王運端王遇循王遙恭王通原王達雅王逸凡十七王史亡其母之氏位

德宗十一子昭德皇后生順宗帝取昭靖太子子舒王誼爲第二子又取順宗子文敬太子諒爲第六子餘通王諶虔王諒肅王詳資王謙代王誼昭王誠欽王諤珍王誠八王史亡其母之氏位

順宗二十七按舊唐書作一十二唐書同子莊憲皇后生憲宗及福王綰張昭訓按舊唐書作王昭儀唐書同生鄭王經趙昭

儀生宋王結王昭儀生郇王總按舊唐書作綜邵王約岳王緄其淑王縱莒王紆密王綢積王緄翼王絳和

王綺衡王絢珍王繕撫王紘桂王綸袁王紳翼王緯斬王緝欽王績凡二十王史亡其母之氏位

憲宗二十子紀美人生惠昭太子甯懿安皇后生穆宗孝明皇后生宣宗後宮生灋王憚深王綜絳

王悟建王恪鄭王憬瓊王悅沔王恂葵王懌茂王愔淄王協衡王愔灋王悅棣王惴彭王惕信王愔

榮王憤凡十七王史失其母之氏號

穆宗五子恭僖皇后生敬宗貞獻皇后生文宗宣懿皇后生武宗後宮生懷懿太子湊安王溶史失

其母之號氏

敬宗五子郭妃生悼懷太子普後官生陳王成美梁王休復襄王執中紀王言揚史失其母之號氏
文宗二子王德妃生莊恪太子永後官生蔣王宗儉

武宗五子杞王峻益王峴兗王岷德王嶧昌王嵯史並失其母之氏位

宣宗十一子昭太后生懿宗後宮生靖懷太子漢通王滋慶王沂濮王澤鄂王濶懷王洽昭王汭康
王汝廣王灑衛王灑史失其母之氏位

懿宗八子惠安皇后生僖宗恭憲皇后生昭宗後宮生魏王侑涼王侔蜀王偓威王偁吉王保恭哀
太子倚史失其母之氏位

僖宗二子建王震益王陞史失其母之氏位

昭宗十七按舊唐書作十子唐書同子積善皇后生德王裕及哀帝後宮生棣王翊虔王禎沂王禛遂王禛景王

祕祁王祺雅王禎瓊王祥端王禎豐王祁和王福登王禕嘉王祐穎王禕蔡王祐史失其母之氏位

以上均通考帝系考

右皇太子皇子

燕王忠字正本高宗長子也高宗初入東宮而生忠宴宮寮於弘教殿太宗幸宮顧謂宮臣曰頃來
王業稍可非無酒食而唐突卿等宴會者朕初有此孫故相就為樂耳太宗酒酣起舞以屬羣臣在

位於是遍舞盡日而罷賜物有差

舊唐書列傳

永淳元年二月立皇孫重照爲皇太孫欲開府置寮屬吏部郎中王方慶曰按周禮有嫡子無嫡孫漢魏已來皇太子在不立太孫但封王耳上曰自我作古可乎曰可然竟不立府寮

舊唐書本紀

憲宗六七歲時德宗抱置膝上問曰汝誰子在吾懷對曰是第三天子德宗異而憐之

舊唐書本紀

右皇太孫

凡公主封有以國名者鄆國代國霍國是也有以郡名者平陽宣陽東陽是也有以美名者太平安樂長甯是也唯元宗之女皆以美名名之

世祖一女 同安公主適王裕

高宗十九女 長沙公主適馮少師 襄陽公主適竇誕 平陽昭公主適柴紹

主及柴紹起兵佐高祖取長安武德

六年薨葬加前後部羽葆鼓吹大路麾幢虎賁甲卒班太常議婦葬古無鼓吹帝曰鼓吹軍樂也往者主身執金鼓參佐命於古有邪宜用之 高密公主初適長孫孝政

再適段倫 長廣公主適趙慈景 長沙公主適豆盧懷讓 房陵公主初適竇奉節再適賀蘭

僧伽 九江公主適執失思力 廬江公主適喬師望 南昌公主適蘇勗 安平公主適楊思

敬 淮南公主適封道言 眞定公主適崔恭禮 衡陽公主適阿史那社爾 丹陽公主適薛

萬徹 臨海公主適裴師律 館陶公主適崔宣慶 常樂公主適趙瓌 安定公主初適温挺

再適鄭敬元

通考帝系考 按長沙原書俱作長河舊唐書改

止葦故第門南平公主初適王敬直再適劉元意敬直王珪之子先時公主下嫁未嘗行見舅姑

列雙戟而已榮將以成家國之美於是與夫人坐堂上主執遂安公主初適竇達再適王大禮 豫章公主

并監饋乃退後主出降有舅姑者備禮始於珪

適唐義識 長樂公主適長孫冲帝以主長孫后所生赦有司裝費倍長公主魏徵曰昔漢明帝

等豈可越乎帝以語后封諸主言朕子安得同先帝子然則長公主尊公主矣制有差

贊徵勸帝從之乃賞徵 北景公主適柴令武 普安公主適史仁表 東陽公主適高履行

臨川公主適周道務 清河公主適程懷亮 蘭陵公主適竇懷哲 晉安按原書作晉公主初

適韋思安再適楊仁恪 安康公主適獨孤謀 新興公主適長孫曦 城陽公主初適杜荷再

適薛瓘 合浦公主適房遺愛 汝南公主早卒 金山公主早卒 晉陽公主早卒 常山公

主早卒 新城公主初適長孫詮再適韋正矩

高宗三女 義陽公主適權毅 高安公主適王昶 太平公主初適薛紹再適武攸暨

中宗八女 新都公主適武延暉 宣城公主適裴巽 安定公主初適王同皎再適韋濯三適崔

銑 長甯公主初適楊慎交再適蘇彥伯 永壽公主適韋鉞 永泰公主適武延基 安樂公

主初適武崇訓再適武延秀 成安公主適韋捷

睿宗十一女 壽昌公主適崔眞 安興昭懷公主早卒 荆山公主適薛伯陽 淮陽公主適王

承慶 代國公主適鄭萬鈞 涼國公主適薛伯陽 薛國公主初適王守一再適裴巽 卽國

公主初適薛儼再適鄭孝義 金仙公主 玉真公主皆入道不嫁 霍邑公主適裴虛己

元宗二十九女 永穆公主適王繇 常芬公主適張去奢 孝昌公主 靈昌公主 上仙公主

懷思公主 普康公主 宜春公主 並早卒 唐昌公主適薛鏞 萬安公主不嫁爲道士 常山

公主初適薛諱再適竇澤 晉國公主適崔惠童 新昌公主適蕭衡 臨晉公主適郭潛曜

衛國公主初適豆盧建再適楊說 信成公主適獨孤明 楚國公主適吳澄江 昌樂公主適

寶諤 永甯公主適裴齊邱 吳陽公主初適源清再適蘇震 宋國公主初適溫西華再適楊

儼 咸直公主初適楊洄再適崔嵩 齊國公主初適張垺再適裴穎三適楊敷 太華公主適

楊錡 壽光 按原書作壽昌據唐書改 公主適郭液 樂城 按原書作樂昌據唐書改 公主適薛履謙 壽安

公主適蘇發 廣甯公主初適程昌胤 按唐書后妃傳作程昌裔 再適蘇克貞 萬春公主初適楊朮再適楊

錡 新平公主初適裴玲再適姜慶初

肅宗七女 宿國公主適豆盧湛 蕭國公主初適鄭異再適薛康衡三適回紇英武威遠可汗

和政公主適柳潭 郊國公主適張清 紀國公主適鄭沛 永和公主適王詮 郃國公主初

適裴儼再適蕭升

代宗十八女 永清公主適裴儼 齊國昭懿公主適郭曖 靈仙公主 眞定公主 玉清公主

太和公主 玉虛公主 西平公主 章甯公主 並早卒 華陽公主入道不嫁 嘉豐公主適高

怡 曹甯公主適吳士廣 長林公主適沈明貞貞元二年具冊德宗不御正殿不設樂遂爲古事 晉陽公主適裴液

趙國莊懿主公適田緒德宗幸望春亭臨饒厭翟不可乘以金根車代之公主出降乘金根車自主始 義清公主適柳杲 壽昌公主適

竇克良 新都公主適田華

德宗十一女 韓國貞穆公主 普甯公主 義川公主 晉平公主並早卒 魏國憲穆公主適王士

平按原書無平字據唐書 鄭國莊穆公主適張茂宗 臨貞公主適薛釗 永陽公主適崔諲 文安公主

入道不嫁 宜都公主適柳昱 燕國襄穆公主適回紇武義成功可汗

順宗十一女 漢陽公主適郭縱 梁國恭靖公主適鄭何 東陽公主適崔杞 西河公主適沈

翬 雲安公主適劉士涇 襄王公主適張克禮 潯陽公主 平恩公主 邵陽公主並爲臨

汝公主早卒 虢國公主適王承系

憲宗十八女 梁國惠康公主適于季友 永嘉公主 永安公主俱爲道士 衡陽公主 普康公主

義甯公主 貴卿公主俱早卒 宣成公主適沈蟻 鄭國溫儀公主適韋讓 岐陽莊淑公主適

杜棕開成二年敕駙馬當爲公主服三年頗乖典法自此準禮夫婦齊服杖 陳留公主適裴損

周時岐陽公主既薨駙馬杜棕因禮文不爲重服時論推美故有是詔 眞甯公主適薛翊 南康公主適沈汾 臨眞公主適衛洙 眞源公主適杜中立 永順公

主適劉弘景 安平公主適劉異 定安公主適回鶻崇德按原書無崇德二字據唐書增 可汗

穆宗八女 義豐公主適韋處仁會昌五年中書門下奏伏見公主上表稱妾李者伏以臣妾之義取其賤稱家人之禮宜卽區別臣等商量公主上表請如長公主

例並云某邑公主第幾女上淮陽公主適柳正元 延安公主適竇潁 金堂公主適郭仲恭
表郡縣主亦望依此例從之

清源公主早饒陽公主適郭按書作柳 義昌公主 安康公主俱不嫁 爲道士

敬宗三女 永興公主 天長公主 甯國公主

文宗四女 興唐公主 西平公主 朗甯公主 光化公主

武宗七女 昌樂公主 壽春公主 長甯公主 延慶公主 靜樂公主 樂溫公主 永清公

主

宣宗十一女 萬壽公主適鄭顥 永福公主 齊國恭懷公主適嚴祚 廣德公主適于琮 義

和公主 饒安公主 盛唐公主 平原公主 唐陽公主 許昌公主適柳陟 豐陽公主

懿宗八女 衛國文懿公主適韋保衡 安化公主 普康公主 昌元公主 昌甯公主 金華

公主 仁壽公主 永壽公主

僖宗二女 唐興公主 永平公主

昭宗十一女 新安公主 平原公主適李繼侃 信都公主按原書無 據唐書增 益昌公主 唐興公主

德清公主 太康公主 永平公主 新興公主 普安公主 樂平公主通考帝 系考

右公主

吐谷渾諾曷鉢太宗封爲河清郡王貞觀十四年按唐書本紀 作十三年 以宏化公主按唐書列傳 宗室女 妻之舊唐書 列傳

吐蕃乘封歸
吐蕃乘封歸

贊神龍元年使大臣來獻方物請婚景龍三年以雍王守禮女為金城公主嫁之舊唐書 契丹李

失活開元二年封松漠郡王四年按舊唐書本紀作五年 以東平王外孫楊元嗣女按舊唐書本紀作宗室女 為永樂公主

妻之唐書 契丹李懋于開元十年入朝請婚封率更令慕容嘉賓女為燕郡公主以妻之按本紀作公主

出降奚首領饒樂郡王李魯蘇似誤唐書列傳同 仍封松漠郡王舊唐書 奚首領李大酺開元三年封為饒樂郡王五年

入朝詔封從外甥女辛氏按本紀辛景初女 為固安公主妻之舊唐書 奚首領大酺弟魯蘇開元十年入

朝詔饒饒樂郡王十三年以成安公主之女韋氏為東光公主以妻之舊唐書 突騎施蘇祿開元

五年來朝進號忠順可汗後以阿史那懷道女為交河公主按舊唐書作金河公主 妻之唐書 甯遠本按汗

緡汗按本傳天寶三載改 王阿悉爛達干助平吐火仙冊拜奉化王天寶三載賜姓寶封宗室女為和義公主降

之唐書 契丹李邵固開元十三年封廣化郡王又封皇從外甥女陳氏為東華公主妻之舊唐書

契丹大酋李懷秀按舊唐書本紀作懷節 天寶四載拜松漠都督封崇順王以宗室出女獨孤為靜樂公主

妻之唐書 奚首領李延寵天寶四載復降拜饒樂都督懷信王以宗室出女楊為宜芳公主妻之

唐書 回紇磨延曠乾元元年請昏許之帝以幼女甯國公主下嫁即冊為英武威遠毗伽可汗唐書

唐書 回紇移地健代宗冊曰英義建功毗伽可汗大曆四年以僕固懷恩幼女為崇徽公主嫁之唐書

唐書 回紇賴莫賀貞元元年冊為武義成功可汗四年詔咸安公主降之舊唐書 回紇保義可汗

唐書 回紇保義可汗

二十四史九通改與頁要合編 卷二百二十九 唐 帝系 十三 約雅堂藏板

長慶元年薨穆宗冊所嗣爲崇德可汗以太和公主下降主憲宗女也帝爲主建府

唐書列傳

右和蕃公主

一曰定州刺史

名乞豆仕後魏太順景皇帝虎之次弟

二曰南陽公

景帝子名延伯

三曰譙王

景帝子名異

四曰蔡王

景帝子名嗣

畢王

景帝子名璋

六曰雍王

景帝子名繪

七曰郇王

景帝子名麟

八曰大鄭王

景帝子名亮

九曰蜀王

代祖元皇帝高之子名湛

十曰

巢王

高祖子元吉

十一曰大楚王

高祖子習雲

十二曰荆王

高祖子元景

十三曰徐王

高祖子元禮

十四曰韓王

高祖子元嘉

十五曰彭王

高祖子元則

十六曰小鄭王

高祖子元嬰

十七曰霍王

高祖子元軌

十八曰虢王

高祖子元鳳

十九曰道王

高祖子元祥

十四曰密王

高祖子元曉

二十五曰滕王

高祖子元嬰

二十六曰恒山王

太宗子承乾

二十七曰吳王

太宗子恪

二十八

曰濮王

太宗子泰

二十九曰蔣王

太宗子憺

三十曰越王

太宗子眞

三十一曰紀王

太宗子慎

三十二曰曹王

太宗子明

三十

三曰澤王

高宗子千金

二十四曰章懷太子

高宗子賢

三十五曰湖陽郡王

睿宗子範

三十九惠宣太子蜀王房

睿宗子

又有隴西渤海二房附見其譜定著三十九房自元宗以後諸王不出閣不分房子孫闕而不見

元宗先天之後皇子幼則居內東封後以年漸長成乃於安國寺東附苑城同爲大宅分院居之名

爲十住宅令中官押之於夾城中起居每日家令進膳又引詞學工書之人入教謂之侍讀十王謂

慶忠棟鄂榮光儀穎永濟蓋舉全數其後盛壽儀陳豐恒涼六王又就封入內宅開元二十五年鄂

光得罪忠王繼大統天寶中慶棟又歿唯榮儀十四王居內而府幕列於外坊歲時地名起居而已

外諸孫長成又於十宅外置百孫院每歲幸華清宮側亦有十宅百孫院十王宮人每院四百餘人百孫院三四十人又於宮中置維城庫諸王月俸物納之以給用諸孫納妃嫁女亦就十院中太子不居於東宮但居於乘輿所幸之別院太子之子亦分院而居婚嫁則同親王公主於崇仁里之禮院

以上均通考帝系考

右宗室

唐二

帝系 宗室王侯 宗室宰相 外戚附

南陽公延伯太祖長子 譙王真太祖次子 畢王璋太祖子 江夏王道宗璋之孫 雍王繪太祖子 淮陽壯王道元繪之孫 郇

王禕太祖子 長平肅王叔良禕子 新興郡王德良禕子 長樂郡王劼祖子 蔡烈王蔚子 西平懷王玄襄蔚子

武郡王琛安子 河間元王孝恭安子 濟北郡王瑊安子 漢陽郡王懷安子 濟南郡王齊蔚子 盧江郡王瑋齊子 鄭孝

王亮太祖子 淮安靖王神通亮子 膠東郡王道彥 高密王孝管 淄川王孝同 廣平王孝慈 河間

王孝友 清河王孝節 膠西王孝義並祖通子 梁王澄世祖子 蜀王湛世祖子 隴西恭王博父湛子 渤海敬王

奉慈湛子通考帝系考

右宗室王侯

林甫 回係鄒石王房 程 福係鄭王房 勉 夷簡 宗閔係小鄭王房 適之係恒山王房 峴係吳王房 知柔係宣惠太子房

王氏揮塵錄曰唐書特立宗室傳贊乃云宰相以宗室進者九人林甫姦諛幾亡天下程知柔

在位無所發明林甫在姦臣傳知柔相昭宗附宣惠太子業傳後第五卷止叙七人適之峴勉程

然李麟乃懿祖後李逢吉李蔚俱隴西同係李宗閔出鄭王房李揆亦出隴西宰相共一十三

人也不同作一傳何邪通考帝系考

右宗室宰相

獨孤懷恩元貞皇后弟

按舊唐書作弟之子

也父整在隋爲涿郡太守懷恩之幼隋文帝獻皇后以姪養宮中

逮長爲鄆令以疾免高祖平京師拜長女令帝受禪擢工部尚書嘗與戲曰弟姑子悉有天下次當

爾邪懷恩內喜以爲天命既而居忽忽咤曰我家渠獨女子富貴也因謀亂及秦王敗武周於美良

川懷恩逃歸帝命率師攻蒲州君寶聞曰王者不死果其然唐儉知狀會武周還劉讓求罷兵因曰

發懷恩等姦於時行本舉蒲州降懷恩勒兵入城帝方濟河而讓至具得反狀帝召之懷恩不知也

單丹以來即縛之窮索黨與縊死於獄以首徇華陰市籍入其家

唐書列傳

竇德明大穆順聖皇后兄之孫也祖照尙後魏文帝女義陽公主封鉅鹿公父彥襲父封仕隋爲西

平郡守德明少師事陳留王武德初拜考功郎中從太宗擊王世充頗有戰功封顯武男貞觀初歷

常愛二州刺史尋卒弟德元高宗時爲左相德元子懷貞聖曆中爲清河令神龍二年累遷御史大

夫兼檢校雍州長史時韋庶人及安樂公主等干預朝政懷貞每諂順委曲取容改名從一以避后

父之諱庶人微時乳母王氏本蠻婢也特封宮國夫人嫁爲懷貞妻俗謂乳母之婿爲阿奢懷貞每

因謁見之次及進表疏列在官位必曰皇后阿奢時人或以國奢呼之初無慚色宦官用權懷貞尤

所畏敬每視事聽訟見無鬚者誤以接之韋庶人敗左遷濠州司馬時人爲之語曰竇僕射前爲韋

氏國奢後作公主邑承言懷貞伏事公主同於邑官也先天二年太平公主逆謀事洩懷貞懼罪及

水而死追戮其屍改姓毒氏德明族弟孝讓刑部尚書諡之子昭成順聖皇后父也長壽二年
吏所陷左遷羅州司馬而卒子希斌希球希確並流嶺南神龍初隨例雪免希斌等以舅氏甚見優
寵希斌累遷太子少傅幽國公尋卒希球官至太子賓客封冀國公開元二十七年卒及卒諡曰煇
希確初賜爵畢國公後改名瑰初爲左散騎常侍及希球卒因授開府儀同三司元宗以早失太后
尤重外家瑰兄弟三人皆國公貧實封瑰子錡又尙元宗女永昌長公主天寶七年有竇勣潛交巫
祝勉犯法瑰坐信其詭說被停官放歸田園十三載十二月卒贈司徒瑰從父弟維壑好學以撰著
爲業族咸以外戚崇飾輿馬維壑獨清儉貞守中書令張說黃門侍郎盧藏用給事中裴子餘皆與
之善官至水部郎中卒撰吉凶禮要二十卷行於代

舊唐書
列傳

竇威字文蔚岐州平陸人父熾在周爲上柱國入隋爲太傅太穆皇后其從兄弟女也威沈遂有器
局貫覽群言舉秀異授祕書郎當遷不肯調者十年故其學益博蜀王秀辟爲記室威以秀多不法
謝疾去秀廢府屬皆得罪威獨免大業中累遷內史舍人數諫忤旨轉考功郎中後坐事免高祖入
關召補大丞相府司錄參軍方天下亂禮典湮缺威多識朝廷故事乃裁定制度武德元年授內史
令每論政事得失必陳古爲諭帝益親聽嘗引入卧內謂曰昔周有八柱國吾與公家是也今我爲
天子而公爲內史令事固有不平等耶威懼頓首謝曰臣家在漢再爲外戚至元魏有二皇后今陛下
龍興臣復以姻戚進夙夜懼不克任帝笑曰公以三后族夸我邪關東人與崔盧婚者猶自矜大公

世爲帝感不亦貴乎後寢疾帝臨問及卒哭之慟贈同州刺史追封楚文郡公諡曰靖

長孫無忌字輔機性通悟博涉書史始高祖兵渡河進謁長春宮授渭北道行軍典籤從秦玉征討

有功累擢比部郎中上黨縣公皇太子建成毒王王病舉府危駭房元齡謂無忌曰禍隙已芽敗不

旋踵矣夫就大計者遺細行周公所以紿管蔡也遂俱入白王請先事誅之王未決事益急乃遣無

忌陰召房元齡杜如晦定計無忌與尉遲敬德侯君集張公瑾劉師立公孫武達獨亦彥雲杜君綽

鄭仁恭李孟嘗討難平之王爲皇太子授左庶子卽位遷吏部尙書以功第一進封齊國公帝以無

忌皇兄又少相友眷倚日厚進尙書右僕射突厥頡利可汗已盟而政亂諸將請遂討之帝顧新敵

血不取爲失機取之失信計猶豫以問大臣蕭瑀曰兼弱攻昧討之便無忌曰今我務戢兵待夷狄

至乃可擊使遂弱且不能來我又何求臣謂按甲存信使帝曰善然卒取突厥或有言無忌權太盛

者帝持表示無忌曰我與公君臣間無少疑使各懷所聞不言斯則蔽矣因普示群臣曰朕子幼無

忌於我有大功視之猶子也疏間親新間舊之謂不順朕無取焉無忌亦自懼貴且亢后又數言之

遂解僕射授開府儀同三司與房元齡杜如晦尉遲敬德皆以元勳封一子郡公進冊司空知門下

尙書省事無忌辭貞觀十一年乃詔有司朕憑明靈之祐賢佐之方克蕩多難清萬內蓋時屯共資

其方世安專享其利朕所不取刺史古諸侯雖名不同而監統一也無忌等義貫休戚効旌夷險嘉

庸懿績簡在朕心其改錫土宇用世及之制乃以無忌爲趙州刺史以趙爲公國凡十有四人餘官

食邑尙不在無忌等辭曰群臣披荆棘事陛下今四海混一誠不願違遠左右而使世牧外州與遷徙等帝曰割地封功臣欲公等後嗣長爲藩翰而薄山河之誓反爲怨望朕亦安可強公土宇邪遂止後帝幸其第自家人姻婭勞賜皆有差久之進位司徒太子承乾廢帝欲立晉王未決坐兩儀殿群臣已罷獨留無忌元齡勸言東宮事因曰我三子一弟未知所立吾心亡聊卽投牀取佩刀自向無忌等驚爭抱持奪刀授晉王而請帝所欲立帝曰我欲立晉王無忌曰謹奉詔異議者斬帝顧王曰舅許汝矣宜卽謝王乃拜帝復曰公等與我意合其謂天下何答曰王以仁孝聞天下久矣固無異辭有如不同臣負陛下百死於是遂定以無忌爲太子太師同中書門下三品同五品自此始高宗卽位進無忌太尉檢校中書令猶知門下尚書二省固辭尙書省許之帝欲立武昭儀爲后無忌固言不可帝不聽后旣立銜之敬宗揣后指陰使洛陽人李奉節上無忌變事與侍中辛茂將臨按傳致反狀帝驚曰將妄人構間殆不其然敬宗具言反跡已露陛下不忍非社稷之福帝猶疑更詔審覈明日敬宗言無忌反明甚請逮捕帝決曰舅果爾我不忍殺遂下詔削官爵封戶以揚州都督一品俸置於黔州所在發兵護送流其子秘書監沖等於嶺外從弟渝州刺史知仁貶翼州司馬後數月又詔司空勣中書令敬宗侍中茂將等覆按反獄敬宗令大理正袁公瑜御史宋之順等卽黔州暴訊無忌投纆卒冲免死殺族子祥流族弟思于檀口大抵期親皆論徙初無忌與遂良悉心奉國以天下安危自任故永徽之政有貞觀風帝亦賓禮老臣拱已以聽綱紀設張此兩人維持之也

既二后廢之計不合姦臣陰圖帝暗於聽受卒以屠覆自是政歸武氏幾至亡國上元元年追復官爵以孫元翼襲封以上均唐書列傳

長孫敏文德順聖皇后之叔父也仕隋爲左衛郎將及義旗入關率子弟迎謁於新豐從平京城以功除將作少監出爲杞州刺史貞觀初坐贓免太宗以后親累封平原郡公卒從父弟操武德中爲陝東道行臺金部郎中出爲陝州刺史貞觀中歷洛州刺史益揚二州都督府長史二十二年以子詮尙太宗女新城公主永徽初賜爵樂壽男尋卒詮官至尙衣奉御詮即侍中韓瑗妻弟也及瑗得罪事連於詮滅死配流雋州詮至流所縣令希旨杖殺之

武承嗣荊州都督士彘之孫則天順聖皇后兄子也初士彘娶相里氏生元慶元爽又娶楊氏生三

女長適越王府功曹賀蘭越石次則天次適郭氏士彘卒後兄子惟良懷連及元爽等遇楊氏失禮

及則天之爲皇后追贈士彘爲司徒周忠孝王封楊氏代國夫人賀蘭越石早卒封其妻爲韓國夫

人尋又加贈士彘爲太尉楊氏改封爲榮國夫人時元慶仕爲宗正少卿元爽爲少府少監惟良爲

衛尉少卿榮國夫人恨其驕日薄已諷皇后抗疏請出元慶等爲外職佯爲退讓其實惡之也於是

元慶爲龍州刺史元爽爲濠州刺史惟良爲始州刺史元慶至州病卒元爽至濠州又配流振州而

死乾封年惟良與弟淄州刺史懷運以岳牧例集於泰山之下時韓國夫人賀蘭氏在宮中頗承

恩寵則天意欲除之諷高宗幸其母宅因惟良等獻食則天密令人以毒藥貯賀蘭氏食中賀蘭氏

食之暴卒歸罪於惟良澳運乃誅之改其姓爲虻氏絕其屬籍元爽等緣三醜流落外而死乃以韓國夫人之子敏之爲士彛嗣改姓武氏襲爵周國公咸亨二年姦汚事發配流雷州行至韶州以馬鞭自縊而死承嗣元爽子也敏之死後自嶺南召還拜尙衣奉御襲祖爵周國公天授二年封爲魏王元慶子真官尙書三思爲梁王后從父兄子納言攸甯爲建昌王太子通事舍人攸歸爲九江王司禮卿重規爲高平王左衛親府中郎將載德爲潁川王右衛將軍攸賢爲千乘王司農卿懿宗爲河內王左千牛中郎將嗣宗爲臨川王右衛勳二府中郎將攸宜爲建安王尙乘直長攸望爲會稽王太子通事舍人攸緒爲安平王攸止爲恒安王又封承嗣男延基爲南陽王延秀爲淮陽王三思男崇訓爲高陽王崇烈爲新安王后兄子贈陳王承業男延暉爲嗣陳王延祚爲咸安王承嗣嘗諷則天革命盡誅皇室諸王及公卿中不附己者承嗣從父弟三思又盛贊其計天下於今寃之如意元年卒子延基襲爵則天避其父名封爲繼魏王尋與其妻永泰郡主及懿德太子等話及張易之兄弟出入宮中恐有不利後忿爭不協洩之則天聞而大怒咸令自殺復以承嗣次子延義爲繼魏王中宗卽位降封梁王三思爲德靜郡王量減實封二百戶定王駙馬都尉攸賢爲樂壽郡王河內郡王懿宗爲耿國公建昌郡王攸甯爲江國公會稽郡王攸望爲鄴國公臨川郡王嗣宗爲管國公建安郡王攸宜爲息國公高平郡王重規爲鄆國公繼魏王延義爲魏國公安平郡王攸緒爲巢國公高陽郡王駙馬都尉崇訓爲豐國公淮陽郡王延秀爲柏國公咸安郡王延祚爲咸安郡公中宗時

嗣宗至曹州刺史攸宜工部尚書重規岐州刺史相次病卒攸望至太常卿左遷春州司馬而死延秀伏誅後武氏宗屬緣坐誅死及配流殆將盡矣延秀承嗣第二子也封桓國公又授左衛中郎將時武崇訓爲安樂公主婿卽延秀從父兄數引至主第及崇訓死延秀得幸遂尙公主主韋后所生恃寵橫縱權傾天下自王侯宰相以下除拜多出其門所營第宅并造安樂佛寺擬於宮掖巧妙過之及韋庶人敗延秀與公主在內宅格戰良久皆斬之後追貶爲悖逆庶人三思元慶子也少以后族累轉右衛將軍則天臨朝擢拜夏官尚書及革命封梁王賜實封一千戶則天數幸其第賞賜甚厚神龍初隨例降封爲德靜郡王量減實封二百戶尋拜左散騎常侍令其子崇訓因安樂公主構誣敬暉等並流於嶺表而死自是三思威權日盛軍國政事多所參綜侍御史周利用冉祖雍太僕丞李悅光祿丞宋之遜監察御史姚紹之等五人常爲其耳目時人呼爲三思五狗三思旣與韋庶人及上官昭容私通嘗忌節愍太子又因安樂公主密謀廢黜之二年七月太子率羽林大將軍李多祚等發左右羽林兵殺三思及其子崇訓於其第并殺其親黨十餘人崇訓三思第二子也則天時封爲高陽郡王長安中尙安樂郡主神龍元年拜駙馬都尉遷太常卿兼左衛將軍降封鄂國公仍賜實封五百戶尋徙封鎬國公二年兼太子賓客攝左衛將軍及爲節愍太子所殺懿宗則天伯父士逸之孫也父元忠高宗時仕至倉部郎中天授年封士逸爲蜀王懿宗封爲河內郡王歷遷洛州長史士金再衛大將軍神龍初隨例降爵封耿國公累轉懷州刺史尋卒攸暨則天伯父士讓孫

也天授中封士讓爲楚王假驛封于乘郡王賜餉實封三百戶兄假驛爲建昌郡王實封四百戶

攸甯歷遷鳳閣侍郎納言冬官尚書病卒攸暨初爲右衛中郎將尚太平公主授駙馬都尉累遷右

衛將軍進封定王又加實封三百戶俄又改安定郡王神龍中拜司徒復封定王實封滿一千戶固

辭不拜隨例降封樂壽郡王按唐書列傳作壽春郡王延秀等誅後又降封楚國公延和元年卒尋以公主謀逆

令平毀其墓太平公主者高宗少女也以則天所生特承恩寵初永隆年降駙馬薛紹紹垂拱中被

誣告與諸王連謀伏誅則天私殺攸暨之妻以配主馬公主薛氏一男二女武氏一男一女並食實

封景龍二年公主男崇簡崇敏崇行同授三品與漁陽王兄弟四人同制時中宗仁善韋后上官昭

容用事禁中皆以爲智謀不及公主甚憚之唐隆元年六月韋后作逆稱制僞尊溫王元宗居臨淄

邸憤之將清內難公主又預其謀令男崇簡從之及立溫王數日天下之心歸於相府難爲其議公

主入敗幼主以王室多故資於長君乃提下幼主因與元宗大臣尊立睿宗公主頻著大勲益尊重

乃加實封五千戶通前滿一萬戶公主子崇行崇敏簡崇三人封異姓王權移人主軍國大政事必

參決如不朝謁則宰臣就第議其可否公主由是滋驕田園遍於近甸膏腴而市易造作器物吳蜀

嶺南供送相屬於路綺疏寶帳音樂輿乘同於宮掖侍兒披羅綺常數百人蒼頭監嬸必盈千數外

州供狗馬玩好滋味不可紀極有胡僧惠範家富於財寶善事權貴公主與之私奏爲聖善寺主加

三品封公殖貨流於江劍公主懼元宗英武乃連結將相專謀異計其時宰相七八五出公主門常

元楷李慈掌禁兵常私謁公主先天二年七月元宗在武德殿事漸危逼乃勒兵誅其黨竇懷貞蕭至忠岑羲等公主遽入山寺數日方出賜死於家公主諸子及黨與死者數十人籍其家財貨山積珍奇寶物伴於御府馬牧羊牧田園質庫數年徵斂不盡惠範家產亦數十萬貫攸緒惟良子也少有志行天授中封安平郡王歷遷殿中監出爲揚州大都督府長史聖曆中棄官隱於嵩山以琴書藥餌爲務中宗即位以安車備禮徵之攸緒應召至都授太子賓客尋請歸嵩山制從之令京官五品以上餞送於定鼎門外及三思延秀等構逆諸武多坐誅戮攸緒以隱居不預其禍時論美之睿宗卽位徵爲太子賓客不就開元二年攸緒又請就廬山居止制不許仍令州縣數加存問不令外人侵擾十一年卒年六十九

以上均舊唐書列傳

武平一名甄以字行潁川郡王載德子也博學通春秋工文辭武后時畏禍不敢與事隱嵩山修浮圖法屢詔不應中宗復位平一居母喪迫召爲起居舍人丐終制不見聽景龍二年兼修文館直學士時天子暗柔不君羣后朱亂外戚盛平一重斥語卽自請抑母黨帝慰勉不許遷考功員外郎丁時太平安樂公主各之黨相根毀親貴離間帝患之欲令敦和以訪平一因上書曰願悉召近親貴人會宴內殿告以輯睦申以恩勤斥姦人塞讒路若猶未已則舍近圖遠抑慈示嚴惟陛下之命帝美其忠切卒不用後宴兩儀殿帝命后兄光祿少卿嬰監酒嬰嘗指敕給詔學士囑之嬰能抗數人

西曹胡人殺之何...

元貞與州參軍從金壇令平一見寵中宗時雖宴預嘗因詩頌規誠然不能卓然自引去故被謫
既謫而名不衰開元末卒孫元衡儒術唐書列傳

韋溫中宗韋庶人從父兄也父元儼高宗末官至許州刺史元儼弟元貞初爲普州參軍以女爲皇
太子妃擢拜豫州刺史中宗嗣位妃爲后及帝降爲廬陵王元貞配流欽州而死后母崔氏爲欽州
首領甯承兄弟所殺元貞有四子洵浩洞泚亦死於容州后一妹逃竄獲免間行歸長女及中宗復
位韋氏復爲皇后其日追贈元貞爲上洛郡王元儼爲特進并州大都督魯國公遣使迎元貞及崔
氏喪柩歸京師又遣廣州都督周仁軌率兵討斬甯承兄弟以其首祭於崔氏及元貞等柩將至上
與后登長樂宮望喪而泣加贈元貞爲鄆王又贈元貞子洵爲吏部尚書汝南郡王浩太常卿武陵
郡王洞衛尉卿淮南郡王泚太僕卿上蔡郡王溫亦遣使迎其喪柩於京師神龍中累遷禮部尚書
封魯國公弟濟左羽林將軍封曹國公后妹夫陸頌爲國子祭酒馮太和爲太常少卿太和尋卒又
適嗣虢王邕濟子捷尙成安公主溫從祖弟濯尙定安公主皆拜駙馬都尉景龍二年濟及陸頌相
次病卒賻贈甚厚及中宗崩后令溫總知內外兵馬守掖宮掖又引從子播族弟瑒弟捷濯等分掌
屯營及左右羽林軍臨淄王討韋氏等溫皆坐斬宗族無少長皆死舊唐書列傳

王仁皎字鳴鶴元宗廢后父也景龍中以將帥舉授甘泉府果毅遷左衛中郎將帝卽位以后故權
將作大匠進累開府儀同三司封祁國公食戶二百仁皎避職不事委遺名譽厚奉養積賻妾貨貨

而已卒年六十九子守一與后變生帝微時與雅舊後詔尚清陽公主從討太平王有功由尚乘奉御遷殿中少監晉國公稟進太子少保襲父爵后廢貶柳州別駕至藍田賜死唐書列傳

楊國忠本名釗蒲州永樂人太真妃即從姐妹也天寶初太真有寵擢授監察御史上春秋高意有所愛惡國忠探知其情動契所欲驟遷檢校度支員外郎監侍御史兼水陸運及司農出納錢物內

中市買召募劍南健兒等使以稱職遷度支郎中不暮年兼領十五餘使轉給事中兼御史中丞專

判度支事是歲貴妃姊號國韓國秦國二夫人同日拜命兄銛拜鴻臚卿八載元宗召公卿百寮觀

左藏庫喜其貨幣山積面賜國忠金紫兼權太府卿事國忠既專錢穀之任出入禁中日加親幸王

鉞為御史大夫兼京兆尹恩寵侔於國忠而位望居其右國忠忌其與已分權會邢縉事泄乃陷鉞

兄弟誅之因代鉞為御史大夫權京兆尹賜名國忠十載權知蜀郡都督府長史充劍南節度副大

使知節度事尋兼山南西道採訪使十一載南蠻侵蜀蜀人請國忠赴鎮林甫亦奏遣之將辭雨泣

懇陳必為林甫所排帝憐之不數月召還會林甫卒遂代為右相兼吏部尚書集賢殿大學士太清

太微宮使判度支劍南節度山南西道採訪兩京出納租庸鑄錢等使並如故進封衛國公食實封

三百戶俄拜司空時安祿山恩寵特深總握兵柄國忠知其跋扈終不出其下將圖之屢於上前言

其悖逆之狀上不之信是時祿山已專制河北聚幽并勁騎陰圖逆節動未有名伺上千秋萬歲之

後方圖叛換及見國忠用事慮不利於己祿山遙領內外閑使遂以兵部寺郎官與國忠相

史中丞...使侍御史鄭昞縊殺於御史臺又奏貶吉溫於合浦以激怒祿山幸其搖動內以取信於上上竟不之悟由是祿山惶懼遂舉兵以誅國忠爲名元宗聞河朔變起欲以皇太子監國自欲親征謀於國忠國忠大懼歸謂姊妹曰我等死在旦夕今東宮監國當與娘子等併命矣姊妹哭訴於貴妃貴妃銜士請命其事乃止及哥舒翰守潼關諸將以函關距京師三百里利在守險不利出攻國忠以翰持兵未決慮反圖已欲其速戰自中督促之翰不獲已出關及接戰桃林王師奔敗哥舒受擒敗國喪師昏國忠之悞惑也自祿山兵起國忠以身領劍南節度乃布置腹心於梁益間以圖自全之計六月九日潼關不守十二日凌晨上率龍武將軍陳元禮左相韋見素京兆尹魏方進國忠與貴妃及親屬擁上出延秋門諸王妃主從之不及慮賊奄至令內侍曹大仙擊鼓於春明門外又焚芻藁之積煙火燭天卽渡渭卽令斷便橋辰時至咸陽望賢驛官吏駭竄無復貴賤坐宮門大樹下亭午上猶未食有老父獻麥帝令具飯始得食翌日至馬嵬軍士飢而憤怒龍武將軍陳元禮懼亂先謂軍士曰今天下崩離萬乘震蕩豈不由楊國忠割剝庶朝野怨咨以至此耶若不誅之以謝天下何以塞四海之怨憤眾曰念之久矣事行身死固所願也會吐蕃和好使在驛門遮國忠訴事軍士呼曰楊國忠與蕃人謀叛諸軍乃圍驛擒國忠斬首以徇是日貴妃既縊韓國虢國二夫人亦爲亂兵所殺國忠子暄眊曉晞暄爲太常卿兼戶部侍郎尙延和郡主眊爲鴻臚卿尙萬春公主兄弟各

第於親仁里窮極奢侈國忠娶蜀倡裴氏女曰裴柔國忠既死柔與虢國夫人皆自剄死於馬
嵬耻陷賊被殺曉走漢中郡漢中王瑀榜殺之晞走至陳倉爲追兵所殺國忠之黨翰林學士張漸
寶華中書舍人宋昱吏部郎中鄭昂等憑國忠之勢招來賂遺車馬盈門財貨山積及國忠敗皆坐
誅滅其斲喪王室俱一時之沴氣焉

吳淑章敬皇后之弟也濮州濮陽人祖神泉位終縣令父令珪益州郫縣丞寶曆二年代宗始封拜
外族贈神泉司徒令珪太尉令珪母弟前宣城令令瑤爲開府儀同三司太子家令封濮陽郡公中
郎將令瑜爲開府儀同三司太子諭德濟陽郡公淑時爲盛王府錄事參軍拜開府儀同三司太子
詹事濮陽郡公以元舅遷鴻臚少卿金吾將軍建中初遷大將軍淑雖居戚屬恭遜謙和人皆重之
涇師之亂從幸奉天盧杞曰志貞謂德宗曰臣細觀宋泚心迹必不至爲戎首宜釋大臣一人入京
師慰諭以觀其心上召從幸群臣言之皆憚其行淑起奏曰不以臣才望無堪臣願此行德宗甚悅
淑退而謂人曰人臣食君之祿死君之難臨危自計非忠也吾忝戚屬今日委身於賊誠知必死不
欲聖情嫌於無人犯難也即日齋詔見泚深陳上待屬之意時泚逆謀已定貌雖從命而心已異乃
留淑於客省竟被害上聞之悲悼不已贈其子太傅賜其家實封二百戶一子五品正員官勅收放
日葬事官給弟湊湊寶麻中與兄淑同日開府授太子詹事俱封濮陽郡公湊以兄弟三品固辭太
過乞授卑官乃以湊檢校太子賓客兼太子家令充十宅王使累轉左金吾衛大將軍湊小心謹慎

智識周敏特承顧問偏見委信大曆末丁繼母喪免建中初起爲右衛將軍兼通州刺史貞元初入爲太子賓客出爲福州刺史御史中丞福建觀察使爲政勤儉清苦美譽日聞尋以湊爲陝州大都督府長史陝號觀察使貞元十四年上召湊面授京兆尹卽日令視事府掾吏以湊起自戚藩不諳簿領凡有疑獄難決之事多候湊將出時方呈冀免指撻瑕病湊雖倉卒閱視必指其姦倖之處下筆決斷無毫釐之差掾吏非大過不行笞責而召面按問詰責而釋之吏尤惕厲庶務咸舉以能政兼兵部尚書官街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之湊於德宗爲老舅漢魏故事多退居散地纔免罪戾而已湊自貞元已來特承恩顧歷中外顯貴雖聖髮隆深亦由湊小心辨事奉職有方故也湊既疾不召巫醫藥不入口家人泣而勉之對曰吾以凡才濫因外戚進用起家便授三品歷顯位四十年壽登七十爲人足矣更欲何求古之以親戚進用者罕有善終吾得歸全以待先人幸也德宗知之令御醫進藥不獲已服之貞元十六年四月卒時年七十一贈尚書左僕射罷朝一日

竇覲昭成皇后族姪父光華原尉覲以親蔭釋褐右衛率府兵曹參軍鄜坊節度興元元年爲戶部侍郎覲無他才伎爲吏有計數又以韓滉子婿故藩府辟召遂歷牧守宰相竇參覲再從姪參少依覲及參秉政力薦於朝爲揚州大都督長史府御史大夫充淮南節度副大使知節度事既非德舉人咸薄之赴鎮旬日暴卒

柳晟者肅宗皇后之甥母和政公主父潭官至太僕卿駙馬都尉晟少無檢操代宗於諸甥之中特加撫鞠累試太常卿德宗卽位以與晟幼同硯席尤親之涇師之亂從幸奉天晟密啟曰願受詔入京城游說群賊冀其携貳事泄爲朱泚所擒械之於獄晟有力乃於獄中穿垣破械而遁閉道歸行在遷將作少監元和初檢校工部尚書充迴鶻冊立使復命遷左金吾衛大將軍元和十三年卒

王子顏卿瑯臨沂人莊憲皇后之父也祖思敬少從軍累試太子賓客父難得有勇決善騎射天寶初拜金吾將軍同正員七載從哥舒翰擊吐蕃於積石虜吐谷渾王子悉弄參及子湑悉頰藏而還累拜左武衛將軍關西游奕使九載擊吐蕃收五橋拔樹敦城補白水軍使十三載從收九曲加特進祿山之叛從哥舒翰戰於潼關關門不守從肅宗幸靈武至德初試衛尉卿興平軍使兼鳳翔都知兵馬使進收京城從郭子儀攻安慶緒於相州累封瑯琊郡公英武軍使寶應二年卒子顏少從父征役累官金紫光祿大夫檢校衛尉卿生后而卒順宗內禪以后生憲宗皇帝褒贈先代思敬司徒難得太傅子顏太師顏子重榮官至福王傅用官至太子賓客金吾將軍

以上均舊唐書列傳

李脩字脩起寒賤蘇莊憲太后姬媾得進歷坊絳二州刺史結納闍寺求善譽憲宗以爲才拜司農卿進京兆尹專聚斂以固恩寵太后崩詔脩爲橋道置頓使嗇官費物物裁損爲可喜者梓宮至灊橋從官多不得食始議更造渭城門計錢三萬脩以爲勞不聽使鑿軌道深之柱危不支方過喪而門壞輶輦僅免徹門乃得行脩妄奏車軸折山陵使李逢吉列罔上請免官方帝用兵而脩屢有所

獻得不坐帝以浙西富饒欲培牆邊利以脩爲觀察使被疾還京師元和十四年卒

鄭光孝明皇太后弟也會昌末夢御大車載日月行中衛光輝洪洞照六合寤而占之工曰君且暴貴不闕月宣宗卽位光興民伍拜諸衛將軍遷累平盧軍節度使徙河中鳳翔又賜鄠雲陽二縣良田大中四年詔除其租賦宰相言國常賦寡人下月不免奈何以外戚廢法帝悟追格前詔俄封其妾爲夫人光曉帝意還詔不敢拜帝嘉之七年來朝對延英占奏俚近帝失望不悅留爲右羽林統軍兼太子太保太后言其家空短帝厚賜金繒終不復委方鎮卒于漢卿終義昌軍節度使以虜書列傳

自古后族能以德禮進退全終保名者鮮矣魏氏懲漢人之敗著矯枉之法幼主嗣位母后不得臨朝外氏無功時主不得封爵雖曰刻薄而下甄之族竟無大過皇唐受命長孫寶氏以勳賢任職而武氏韋氏以盈滿致覆夫廢興者豈天命哉蓋人事也舊唐書列傳

右外戚附

封建藩鎮附 封建議 太祖世祖子孫王者 高祖子孫王者

高祖受禪以天下未定廣封宗室以威天下皇從弟及姪年始孩童者數十人皆封爲郡王太宗卽位因舉屬籍問侍臣曰封宗子於天下便乎尚書右僕射封德彖對曰不便歷觀往昔封王者今日最多兩漢以降唯封帝子及親兄弟若宗室疏遠者非有大功如周之鮒滕如漢之賈澤並不得濫

叨名器所以別親疏也先朝敦睦九族一切封至爵命既崇多給力役蓋以天下爲私殊非至公馭物之道也太宗曰然朕理天下本爲百姓非欲勞百姓以養己之親也於是率以屬疏降爵唯有功者數人得王餘並封爲縣公

貞觀二年太宗以宇內晏清思以致理謂公卿曰朕欲使子孫長久社稷永固其理如何尚書右僕射宋國公蕭瑀對曰臣觀前代國祚所以長久者莫不封建諸侯以爲磐石之固秦并六國罷侯置守二世而亡漢有天下參建藩屏年踰四百魏晉廢之不能永久封建之法實可遵行上然之始議永封列土之制中書侍郎顏師古論封建表曰伏聞前年陛下親發聖慮特降明敕博問卿士議欲封建既合事宜實惟理要然而議者不一各執異端或欲追法殷周遠遵上古天下之地盡爲封國庶姓群官皆錫茅社或云凋弊之後人稀土曠封建之事普未可行此皆不臻至理兩失其衷臣愚以爲當今之要莫不量其遠近分置王國均其戶邑強弱相濟畫野分疆不得過大間以州縣雜錯而居互相維持永無傾奪使各守其境而不能爲非協力同心則足扶京室陛下然後分命諸子各就封之爲置官僚皆一省選用法令之外不得擅作威刑朝貢禮儀具爲條式一定此制萬代永久則狂狡絕暴慢之心本朝無怵惕之慮特進魏徵議曰臣聞三代之利建藩屏保又皇家兩漢之大啓山河同獎王室故楚國不恭齊桓有召陵之舉諸呂構難朱虛奮北軍之謀九鼎危而復安諸侯傲而還肅比夫秦之孤立子弟爲匹夫魏氏虛名藩扞若囚圜豈可同年而語哉至於同憂共樂之

談百足不僵之義曹問六代陸機五等論之詳矣陛下發明詔封五等事雖盡善時即未違何也自隋氏亂離百殃俱起黎元塗炭十不一存始蒙敷至仁以流元澤沐春風而霑夏雨一朝棄之爲諸侯之隸眾心未定或致逃亡其未可一也既立諸侯富建社廟禮樂文物儀衛左右頓闕則理必不安粗修則事有未暇其未可二也大夫卿士咸資祿俸薄賦則官府困窮厚斂則人不堪命其未可三也王畿千里地稅不多至於貢賦所資在於侯甸之外今若並爲國邑京師府藏必虛諸侯朝宗無所取給其未可四也今燕秦趙代俱帶蕃夷黠羌旅拒匈奴未滅追兵內地遠赴邊庭不堪其勞將有他變難安易動悔或不追其不可五也原夫聖人舉事貴在相時時或未可理資通變敢進芻

蕘之議惟明主擇焉

以上均通考封建考

六年監察御史馬周上疏曰伏惟詔書令宗室勲賢作鎮部貽厥子孫嗣守其政非有大故則無黜免臣竊惟陛下封之者誠愛之重之欲其允裔承守而與國無疆也臣以爲如詔旨者陛下思所以安存之富貴之然後使其爲世官也何則以堯舜之父而有朱均之子倘有孩童嗣職萬一驕愚則兆庶被其殃而國家受其敗正欲絕之則子文之理尤在正欲留之則夔廩之惡已彰與其毒害於見存之百姓則甯使割恩於已亡之一臣明矣則向所謂愛之者乃適所以傷之也臣謂宜賦以茅土疇其戶邑必有材行隨器方授則雖其翰翮非強亦可以獲免尤累昔漢光武不任功臣以吏事所以終全其代者良得其術也願陛下深思其宜使夫得奉大恩而子孫終其福祿也

十一年定爲代襲刺史詔曰設官司以制海內建藩屏以輔王室莫不明其典章義存於致理宗其賢戚志在於無疆者也今採按部之嘉名參建侯之舊制共理之職重矣分土之實存矣已有詔書存其至理繼世垂範貽其後昆維城作固同符前列荊州都督荆王元景涼州都督漢王元昌徐州都督徐王元禮潞州都督韓王元嘉遂州都督彭王元則鄭州刺史鄭王元懿絳州刺史霍王元軌虢州刺史虢王元鳳豫州刺史道王元慶壽州刺史舒王元名鄆州刺史鄆王元裕幽州都督燕王靈夔蘇州刺史許王元祥安州都督吳王恪相州都督魏王恭齊州都督齊王祐益州都督蜀王愔襄州刺史蔣王暉揚州都督越王正并州都督晉王治秦州都督紀王慎等或地居且夷夙聞詩禮或望乃開平早稱才藝並爵崇土宇寵兼車服誠孝之心無望於造次風政之譽克著於期月宜冠藩垣胙以休命其所署刺史咸令子孫世世承襲

十一年令與諸功臣世襲刺史詔以司空長孫無忌爲趙州刺史改封趙國公尙書左僕射房元齡爲宋州刺史改封梁國公司空杜如晦密州刺史封萊國公特進李靖爲濮州刺史改封衛國公特進高士廉爲申州刺史改封申國公趙郡王孝恭爲觀州刺史改封河間郡王同州刺史尉遲敬德爲宣州刺史改封鄂國公光祿大夫李勣爲蘇州刺史改封英國公左驍衛大將軍段志元爲金州刺史改封襄國公右領軍大將軍程知節爲普州刺史改封盧國公兵部尙書侯君集爲陳州刺史改封陳國公任城王道宗爲鄂州刺史改封江夏郡王太僕卿劉弘基爲朗州刺史改封夔國公金

紫光祿大夫張亮爲澧州刺史改封鄆國公詔曰周武定業胙茅土於子孫漢高受命誓帶礪於功臣豈止重親賢之地崇其典禮抑亦固磐石之基寄以藩翰但今之刺史古之諸侯雖之名不同而監統一也故申命有司斟酌前代宣條委共理之寄象賢存代及之典司空無忌等並策名運始功參締構卽令子孫世世承襲非有大故無或黜免餘官食邑並如故無忌等上言曰臣披荆棘以事陛下今海內甯一乃令世牧外州復與遷徙何異因上表固讓太宗謂之曰割地以封功臣古今之通義也意欲公之枝葉翼朕子孫長爲藩翰傳之永久情在此耳而公等薄山河之誓發言怨望朕亦安可強公以土字邪如是遂止

以上均舊唐書列傳

唐制皇兄弟皇子爲王皆封國之親王

龍朔二年制諸王子嫡者封郡王任職從四品下叙其眾子封郡公從五品上叙貞觀中王珪奏曰三品以上遇親王於

塗皆降乘違法申敬有乖儀注太宗曰卿欲自尊而卑吾子乎魏徵曰自古迄今親王班次三公以下今三品皆天子列卿及八座之長爲王降乘非王所宜富也詔從之親王府各置

官屬凡府官國官王未出閣則皆不置領親事帳內二府及國官太子男封郡王其庶姓卿士功業特盛者亦封郡

王自至德元載至大曆三年封異姓爲王者凡百一十有二其次封國公其次有郡縣開國公侯伯子男之號亦九等並無官

土其加實封者則實其封分食諸郡以租調給自武德至天寶實封者百餘家自至德二載至大曆三年實封者二百六十五家凡食四萬四千八百

戶十六年制王府官以四考爲限高宗時滕王元嬰江王元祥蔣王輝統王鳳俱以貪暴爲吏人所患有按其府官者皆比嶺外荒裔爲之語曰甯向僭崖象白

不事江滕蔣號

嗣聖二年初置公府官員武后天授二年又置皇孫官員開元四年二月制諸封國自始封至曾

三國書... 卷一百三十一... 封建... 約雅堂藏板

孫者其封戶二分減一十年加永穆公主封千戶凡諸王及公主以下所食封邑皆以課戶充州縣與國官邑官共執文帳準其戶數收其租調均爲二分其一入官其一入國公所食邑則全給焉二十年五月敕諸食邑實封並以三丁爲限不須一分入官其物仍令封隨庸調送入京

景龍二年應食封邑者一百四十餘家應出封戶凡五十四州皆天下膏腴物產其安樂太平公主封又取富戶不在捐免限百姓著封戶者甚於征行十一月河南巡使監察御史宋務光上疏曰臣聞分珪列土各有方位通邑大都不以封錫前猷未遠古義亦深自頃命侯稍殊舊式其居燒墻專擇雄輿徐州貢土方色已乖寢邱辭封讓德不嗣且滑州者國之近甸密邇帝畿地出纁紉人多趨射所以列縣惟七分封有五王賦少於侯租入家倍於輸國求諸既往實所未聞每科封丁有甚征役因而失業莫返其居伏願稍均封戶散配餘州下息疲甿上遵古制則公侯不失於采地流人得還於故鄉諸州封戶亦望準此又徵封使者往來相繼既勞傳驛甚擾公私請附租庸每年送納望停封使以靜下人仍編入新格庶爲永例又聞五等崇榮百王盛典自非邢茅懿戚寇鄧洪勲無以誓彼山河疇其爵土近者封建頗緣恩澤功無橫草人已分茅遂使沃壤名藩多入侯國邑收家稅半於天府經費不足蓋亦有由竊見武德之初建侯故事於時天保新定王業創開佐命如雲謀臣如雨然而封者不過十數人今禮樂承平邦家繼世有象賢舊德之裔無野戰攻城之勤至於命封不合全廣論功謝於前業食邑多於往時既減邊儲實虧國用伏惟酌宗周之前訓咨武德之舊章

地匪官監勲殊社稷不宜加於實邑自可寵以虛名如此則庶績其凝矣倫攸叙臣忝當廉問備採風謠見此不安豈敢自默知必被封家所疾顧常以報國爲心乞擇愚言訪諸朝宰秋毫無益夕死無憂兵部尙書韋嗣立上疏曰臣竊見食封之家其數甚衆昨問戶部云用六十餘萬丁一丁兩疋計一百二十萬疋已上臣頃在太府知每年庸調絹數多不過百萬少則七八十萬以來比諸封家所入全少臣聞自古封茅土列山河皆須業著經綸功申草昧然後配宗廟之享承帶礪之恩往者皇運之初功臣共定天下當食封纔祇三二十家今以恩澤受封百四十家已上國家租賦大半私門私門資用有餘國家支計不足有餘則或致奢僭不足則坐致憂危制國之方豈謂爲得封戶之物諸家自徵或是官典或是奴僕多狹勢騁威凌幾州縣凡是封戶皆不勝侵漁若戶不滿丁物送太府封家但於右藏請受不得輒自徵催則必免侵漁人冀蘇息矣

以上均補考建封考

右封建議

江夏王道宗太祖曾孫高祖兄子以從秦王討賊功初封任城王貞觀時更封永徽初坐罪流象州薨子景恒封盧國公 弟道興初封廣甯王後以疏屬降封縣公

永安王孝基武德初封二年將兵討劉武周爲賊所害以從兄子道立爲嗣封高平王後降爲公淮陽王道元武德初封後將兵討劉黑闥戰歿以弟道明奉其祀嗣王坐罪奪爵

長平王叔良武德初封子孝協五年封范陽郡王後降爲郟國公次孝斌子思訓中宗復位以宗室

耆舊封隴西郡公 弟德良封新興王孫晉紹封坐罪誅 德良弟幼良封長樂王後坐罪賜死

襄武王琛義甯中封公武德中進爵爲王子儉嗣後降爲公 弟孝恭武德三年封河間王子崇義

嗣降爲譙國公 弟斌武德中封濟北郡王瓌武德初封漢陽郡公五年進爵爲王後降爲公

廬江王瑗武德初封後坐反誅

淮安王神通武德初封長子道彥五年封膠東王次子孝管封高密王孝同封淄川王孝慈封廣平

王孝友封河間王孝節封清河王孝義封膠西王後並降爲公孝逸封梁郡公

襄邑王神符神通弟武德初封有子七人並封郡王後降爲公

隴西王博父世祖孫高祖兄蜀王湛子武德初封 弟奉慈封渤海王

以上均舊唐書列傳

右太祖世祖子孫王者

隱太子建成高祖長子帝卽位立爲太子後爲太宗所殺追封息王長子太原王承宗蚤卒次子安

陸王承道河東按通考封建考作河間王承德武安王承訓汝南王承明鉅鹿王承義建成死時並坐誅

衛懷王元霸蚤薨武德初追封四年封太子子泰爲宜都王以奉其祀後徙封於越又以宗室西平

王子保定爲嗣

巢刺王元吉初封齊王後爲太宗所殺追封子梁郡王承業漁陽王承鸞晉安王承獎江夏王承裕

義陽王承度元吉死時並坐誅

楚哀王智雲隋大業末高祖起兵吏捕送長安害之武德初追封以太宗子寬爲嗣寬薨復以濟南公子靈龜嗣焉卒子福嗣降爲公

荆王元景武德三年封後坐預房遺愛反謀賜死以渤海子長沙爲嗣降爲侯神龍初追復爵士并封其孫遼爲嗣荆王

漢王元昌武德三年封從坐預太子承乾反謀賜死國除

鄂王元亨武德三年封蚤薨無子國除

周王元方武德四年封貞觀時薨無子國除

徐康王元禮武德四年封子淮南王茂嗣後坐罪流死神龍初又封茂子瓘爲嗣徐王卒子延年嗣坐罪貶死永泰初復以延年子諷爲嗣紹封

韓王元嘉武德四年封武后時坐謀舉兵誅武氏遇害長子訓封潁川王次子謹封武陵王早卒神龍初追復爵士封其第五子訥爲嗣韓王薨子叔璩嗣

彭思王元則初封荆王貞觀中改封以霍王子絢嗣龍朔中封南昌王子志疎神龍初封嗣彭王

鄭惠王元懿武德四年封滕王貞觀中改封子璲嗣神龍初又封璲嫡子希言爲嗣鄭王

霍王元軌武德六年封蜀王徙封吳王貞觀初改封垂拱中坐罪徙黔州薨六子舊唐書作有子七人緒爲江

都王純安定王餘皆爵爲公神龍初并復官爵以緒孫暉嗣王

二四
道正身
號莊王鳳初封幽王武德六年改封子翼嗣爲平陽王薨子萬嗣無子國除中宗更以鳳孫邕嗣王
道孝王元慶始封漢王後徙陳貞觀中改封九子誘爲嗣封臨淮王坐賊削爵更以次子詢之子微
嗣卒子鍊嗣

郁康王元裕始封郁王貞觀十一年改封以江王子良嗣薨子孝先嗣

舒王元名始封譙王後徙封武后時與子直俱坐罪被殺神龍初詔復官爵以曾子津嗣薨子萬嗣
薨子藻嗣

魯王靈夔初王魏後王燕已而徙王垂拱初坐與謀起兵自殺子詵爲清河王阜天藹爲范陽王神
龍初復爵以藹子道堅嗣

江安王元祥始封許王後徙封子暉爲永嘉王坐罪誅皎爲武陽王中宗立從子欽嗣王又以皎封
絕更取弟子繼宗嗣既降爲公

密貞王元曉貞觀中封子穎嗣爲安南王薨子勗嗣神龍初以弟季子曇嗣開元五年更詔元曉再
從孫徹嗣

滕王元嬰貞觀中封長子修裔嗣爲長樂王神龍初更以少子修信子涉嗣薨子湛然嗣

以上均唐書列傳

右高祖子孫王者

二十四史九通政典類要合編卷一百三十一

唐三

封建

藩鎮附 太宗子孫王者 高宗子孫王者 中宗子孫王者 睿宗子孫王者 元宗

子孫王者 肅宗子孫王者 代宗子孫王者 德宗子孫王者 順宗子孫王者 憲宗子孫

王者 穆宗子孫王者 敬宗子孫王者 文宗子孫王者 武宗子孫王者 宣宗子孫

宗子孫王者 德宗子孫王者 昭宗子孫王者 魏博藩鎮 鎮冀藩鎮 盧龍藩鎮 淄青藩

鎮 海藩鎮 宣武藩鎮 彰義 鎮 澤潞藩鎮 鳳翔 靈夏

恒山王承乾太宗長子武德三年封太宗卽位立爲太子後坐謀逆廢爲庶人徙黔州死

楚王寬武德三年出後楚袁王蚩蚩貞觀初追封

吳王恪貞觀二年封永徽中長孫無忌譖殺之有子四人仁璋琨境并流嶺表尋封仁爲鬱林縣侯

中宗反正改王成紀以預誅武三思死瑋蚤卒追封朗陵王子柝出繼蜀王愔改封廣漢郡王琨開

元中追封吳王子禕封嗣江王祇封嗣吳王

濮王泰貞觀二年封子欣嗣次子徽封新安郡王欣卒子嶠嗣

齊王祐武德八年封後坐反廢爲庶人賜死

蜀王愔貞觀五年封永徽時以吳王恪母弟得罪廢徙咸亨初復爵子璠嗣坐罪流死神龍初以朗

陵王子柝爲嗣蜀王

蔣王暉貞觀五年封子煒嗣爲武氏所害以次子統之子紹宗嗣卒子欽福嗣

二十四史九通政典類要合編卷一百三十一

封建

約雅堂藏友

越王貞貞觀五年封中宗廢起兵討武氏不克死子冲同死開元初追復爵王以姪孫琳爲嗣越王紀王慎貞觀五年封武后時謫死長子續東平王早卒次子叡義陽王爲武氏所殺

趙王福貞觀十三年封出後隱太子中興初封蔣王惲孫思順爲嗣趙王

曹王明貞觀二十一年封出後巢刺王高宗時坐太子賢事廢死有二子零陵王俊黎國公傑垂拱中并遇害中興初封傑子胤爲嗣曹王卒子戡嗣卒子舉嗣

以上均舊唐書列傳

右太宗子孫王者

燕王忠高宗長子貞觀二十年封帝卽位立爲太子後立武后子宏乃降封尋爲許敬宗所誣賜死澤王上金永徽初始王杞文明元年徙王載初中被誣死神龍初以子義珣嗣王薨子漣嗣

許王素節始王雍更王郇儀鳳三年徙王載初中被緝子瑛等九人並誅惟琳瓊璆欽古尚幼長囚雷州中宗復位詔瓘嗣王開元初封琳爲嗣越王瓘薨子幼以璆子益嗣

孝敬皇帝宏永徽六年始王代顯慶元年立爲皇太子上元二年遇醜薨追諡帝

章懷太子賢始王潞後立爲太子以忤武后廢死長子光順爲樂安王被誅次子守禮嗣王幼子守義爲健爲王守禮子承宏爵廣武王承寧封嗣邠王承宗封燉煌王

以上均舊唐書列傳

右高宗子孫王者

懿德太子重潤中宗長子永淳時立爲皇太孫中宗失位廢後封邵王爲武氏所殺神龍初追贈

讓王重福高宗時封神龍初爲皇后所譖廢徙睿宗立召還至東都謀作亂不克死

節愍太子重俊聖曆三年封義興王中宗復位立爲皇太子後與李多祚等殺武三思兵敗死睿宗

立追諡子宗暉封湖陽郡王

以上均通考封建考

右中宗子孫王者

讓皇帝憲睿宗子文明元年立爲皇太子後改王壽春又改王宋元宗卽位徙王甯薨追諡帝子璵封汝陽王莊封濟陰王琳嗣甯王瑀封漢中王

惠莊太子爲垂拱三年封恒王開元時薨贈太子以讓帝子珣嗣爲懷甯王薨復以讓帝子瑋嗣

惠文太子範初封鄭王從元宗誅太平有功開元十四年薨贈太子子瑾嗣封河東王薨以薛王子

珍爲嗣岐王坐罪賜死

惠宣太子業始封趙王後進王薛開元二十二年薨贈太子子瑗封安樂王瑒封滎陽王瑒嗣薛王

以上均唐書列傳

右睿宗子孫王者

奉天皇帝侗元宗子景雲元年封許昌郡王天寶十載薨贈太子肅宗立諡帝子球嗣

太子瑛初封眞定王開元三年立爲皇太子後爲武惠妃所構爲庶人賜死寶應初贈太子子儼封

新平郡王伸封平原郡王球嗣慶王

棟王瑛開元二年始封後坐罪以幽死子僕王汝南僑王宜都俊王濟南俊王順化

鄂王瑤開元時封二十五年爲武惠妃所譖與太子瑛同廢死子倩王陳

靖恭太子琬始王鄴徙王榮天寶末薨追諡太子子俯王濟陰偕王北平

光王瑊開元十三年封二十五年爲武惠妃所譖與太子瑛同廢死

儀王璿開元十三年封子伋王鍾陵鍾王廣陵

穎王璿開元十三年封建中時薨子神王滎陽僞王高邑

承王璿開元十三年封至德初謀反兵敗死子儻王餘姚

壽王瑁開元十五年封大曆十年薨子俊王德陽匡王濟陽僊王廣陽

延王玢開元十三年封興元初薨子倬王彭城僊王平陽

盛宣王琦開元十三年封廣德二年薨子儻王眞定佩王武都

濟王環開元十三年封子儻王永嘉僊王平樂

信王瑄開元二十一年封子佟王新安僊王晉陵

義王玘開元二十一年封子儀王舞陽僊王晉陽

陳王珪開元二十一年封子倫王安南僊王臨淮僊王安陽

豐王珙開元二十一年封廣德初坐罪賜死子佻王齊安

恒王瑛開元二十一年封代宗時薨

涼王璿開元二十一年封代宗時薨子仇王瀘陽

汴哀王璿開元二十一年封明年薨

以上均舊唐書別傳

右元宗子孫王者

越王係肅宗子元宗末年封肅宗寢疾張后召係矯制作亂坐誅子建王武威追王興道

承天皇帝倓初封建寧王張后譖之坐賜死大厯三年追謚帝

衛王泌始王西平早薨

彭王儼始王新城子鎮王常山

兗王儻始王潁川寶應初薨

涇王佺始王東陽興元初薨

鄆王綽始王靈昌早薨追封

襄王儼至德二載封貞元七年薨子宣王伊吾索王樂安

杞王倓至德二載封貞元十四年薨

召王偲至德二載封元和元年薨

恭懿太子紹始封興王上元元年薨贈太子

定王侗至德二載封寶應初薨

以上均舊唐書列傳

右肅宗子孫王者

昭靖太子邈上元二年封益昌王大曆八年薨贈太子

均王遐早薨貞元中追封

睦王述天曆十年封貞元七年薨

丹王逾大曆十年封元和十五年薨

恩王連大曆十年封元和十二年薨

韓王迥大曆十年封貞元十二年薨

簡王邁大曆十年封元和四年薨

益王迥大曆十四年封

隋王迅大曆時封興元元年薨

荆王選早薨建中二年追封

蜀王遡大曆十四年封

忻王造大曆十年封元和六年

韶王暹大曆十年封貞元十二年薨

嘉王運大厯十年封貞元十七年薨

端王遇大厯十年封貞元七年薨

循王遙大厯十年封

恭王通大厯十年封

原王達大厯十年封太和六年薨

雅王逸大厯十年封貞元十五年薨

以上均通
考封建考

右代宗子王者

舒王誼本昭靖太子子德宗取以爲子永貞元年薨

通王譔大厯十四年封

虔王諒大厯十四年封

肅王詳大厯十四年封建中二年薨

文敬太子諱本順宗子德宗愛之取以爲子貞元初封十五年薨

資王謙大厯十四年封

代王謹蚤薨建中二年追封

昭王誠貞元二十一年封

欽王鄂順宗即位封

珍王誠順宗即位封太和六年薨

以上均通考封建考

右德宗子王者

鄭王經貞元四年封太和八年薨

均王緯貞元四年封開成二年薨

淑王縱貞元四年封開成元年薨

萬王紆貞元四年封太和八年薨

密王綱貞元四年封元和二年薨

郇王總貞元四年封元和三年薨

邵王約貞元四年封元和元年薨

宋王結貞元四年封長慶二年薨

集王緝貞元四年封長慶二年薨

冀王綝貞元四年封太和九年薨

和王縉貞元四年封太和七年薨

衡王綯貞元四年封寶應二年薨

會王縉貞元二十一年封元和五年薨

福王縉貞元四年封咸通二年薨

珍王縉貞元四年封

撫王縉貞元二十一年封乾符二年薨

岳王縉貞元二十一年封太和二年薨

袁王紳貞元二十一年封咸通元年薨

桂王綸貞元二十一年封元和九年薨

翼王綽貞元二十一年封咸通二年薨

蘄王緝咸通二年封咸通八年薨

欽王績亡封薨年

以上均通考封建考

右順宗子王者

惠昭太子甯貞元二十一年封平原王元和四年立爲太子薨

澧王恠憲宗卽位封子漢王東陽源王安陸演王臨安

深王惊元和初封子潭王河內淑王吳興洋王忻始王高密進王洋

絳王悟元和初封後爲王守澄所殺子洙王新安滂王高平

建王恪元和初封長慶元年薨

鄭王燾長慶元年封開成四年薨子溥王平陽

瓊王悅長慶初封子津王河間

汜王郇長慶初封子灊王晉陵

婺王懌長慶初封子清王新平

茂王愔長慶初封子惠王武功

淄王協長慶初封開成元年薨子澹王許昌渙王馮翊

衡王憺子涉王晉平

澶王悅長慶初封子瀟王雁門

棣王惲大中六年封咸通三年薨無子

彭王愆大中六年封後爲韓建所殺

信王愐大中六年封咸通八年薨

榮王愐咸通三年封于合平嗣

以上均唐書列傳

右憲宗子孫王者

懷懿太子浚長慶元年封鄆王後爲王守澄陷以罪黜爲巢縣公開成二年追贈

安王湑長慶元年封後爲仇士良所殺

以上均通考封建考

右穆宗子王者

悼懷太子普賢歷元年封晉王太和二年薨追贈

梁王休復開成二年封

襄王執中開成二年封子案王樂平

紀王言揚開成二年封

陳王成美開成二年封後爲仇士良所殺子儼王宣城

以上均唐書列傳

右敬宗子孫王者

莊恪太子承太和四年封魯王六年立爲皇太子開成元年暴薨追贈

蔣王宗儉開成二年封

以上均通考封建考

右文宗子王者

杞王峻開成五年封

益王峴會昌六年封

兗王岐會昌六年封

德王暉會昌六年封

昌王暉會昌六年封

以上均通考封建考

右武宗子王者

靖懷太子漢會昌六年封雍王大中六年薨追諡

雅王涇大中元年封

通王滋會昌六年封昭宗時爲韓建劉李述所殺

慶王沂會昌六年封大中十四年薨

濮王澤大中二年封

鄂王潤大中五年封乾符三年薨

懷王洽大中八年封

昭王泚大中八年封乾符三年薨

康王汶大中八年封乾符四年薨

廣王滄大中十一年封乾符四年薨

衛王灌大中十一年封十四年薨

以上均通考封建考

右宣宗子王者

魏王侑咸通三年封

涼王侏咸通二年封乾符六年薨

蜀王佶咸通六年封

威王偏咸通六年封

吉王保咸通十二年封

恭哀太子倚初封睦王後爲劉季述所殺天復初追贈

以上均通考封建考

右懿宗子王者

建王震中和元年封

益王昇光啟二年封

右僖宗子王者

德王裕大順二年封乾甯四年立爲皇太子劉季述等立爲帝昭宗反正復爲王後爲朱溫所殺

棟王祐乾甯元年封

景王祕乾甯四年封

處王禎乾甯元年封

初王祺乾甯四年封

沂王禕乾甯元年封

雅王禎光化元年封

遂王禮乾甯四年封

瓊王祥光化元年封八王並爲朱溫所殺

端王頎天祐元年封

豐王祁天祐元年封

和王福天祐元年封

登王禧天祐元年封

嘉王祐天祐元年封

穎王禎天祐二年封

蔡王祐天祐二年封

以上均通考封建考

右昭宗子王者

田承嗣平州盧龍人本隸安祿山麾下郭子儀平東都來降俄復叛後再降於僕固懷恩遷貝博滄

瀛等州節度使名其軍曰天雄加同平章事封雁門郡王 悅承嗣弟子承嗣卒爲留後俄遷節度

使德宗立悅舉兵反僭號魏王朱泚篡逆帝乃下詔赦悅罪悅復順命封濟陽郡王後爲其從弟緒

所殺 緒承嗣第六子既殺悅爲留後請命乃卽命爲節度使加同平章事封雁門郡王卒 季安

緒少子緒既死爲留後因授節度使加同平章事 懷謙季安子最幼不能事政決於私奴軍中怒送懷謙京師自承嗣至懷謙四世凡四十九年

史憲誠木奚人三世爲魏博將田布既自殺憲誠擅總軍務穆宗因授以節度使進同平章事後請納地欲分相衛請置帥軍中攻殺之憲誠起至卒凡七年

何進滔靈武人世爲魏軍校史憲誠既死軍中推爲留後進滔乃斬作亂者數十人請命詔授節度使後進同平章事卒 重順進滔子進滔既死爲留後就加節度使後進同平章事卒 全暉重順子嗣拜節度使以平龐勳功進同平章事後軍衆叛而殺之自進滔至全暉二世凡四十二年

韓君雄魏州人全暉死軍中推君雄總軍事加節度使同平章事卒子簡襲留後遷節度使平章事封魏郡王時黃巢亂帝在蜀簡北略邢洛東攻鄆兵敗未幾死彥禎代之再世凡十二年

樂彥禎魏人韓簡時澶州刺史簡卒魏人立之進節度使加同平章事後軍亂被殺凡七年

羅宏信魏州人爲裨將軍中既殺彥禎推大將趙文珩總留後彥禎子從訓求救於朱全忠以兵討之衆懼殺文珩推宏信爲主詔擢留後遷節度使平章事封臨清郡王後爲朱全忠李克用所攻拔其三州卒子紹威

按舊唐書作威蓋石晉緯紹字也

襲昭宗時授節度使爲劉仁恭所攻朱全忠救之遂事全忠加

侍中封魏王與全忠謀盡誅魏牙兵以除逼紹威自此勢弱爲全忠所取

以上均唐書別傳

李寶臣本范陽內屬奚爲安祿山射生慶緒時爲恒州刺史來降詔授故官封密雲郡公後復叛事史思明思明死乃挈恒趙深定易五州以獻封趙國公名其軍曰成德拜節度使封虜西郡王拜同平章事後爲妖人所毒死 惟岳寶臣子寶臣死軍中推爲留後求襲父位德宗不許趣護喪京師以張孝忠代之惟岳拒命詔朱滔等討之其將王武後殺惟岳以降

王武後本出契丹爲李寶臣裨將李惟岳死武後遣使請命詔授武後恒冀觀察使而惟岳將楊政義等以深定二州來降武後恐不得節度又失二州乃反僭號趙王興元初乃黜僞號請命詔授節度使加同平章事以破朱滔功封清河郡王卒 士真武後長子嗣爲節度使拜同平章事卒 承宗士真子初爲副大使憲宗卽位欲析鎮藩遣使諭承宗承宗乃上德棣二州詔以薛昌朝爲保信軍節度使統德棣承宗拒命郃昌朝囚之帝怒削承宗官爵遣兵討之久無功而淄青盧龍政表請赦乃罷兵盡以故地畀之承宗復拒命出兵掠鄰鄙爲吳元濟平乃恐遣二子入侍歸德棣二州詔復官爵卒軍中推其弟承元爲留後承元不敢請命於朝詔以爲義承軍節度使 庭湊本回紇阿布思之族爲武後養子世爲裨將承元旣以成德軍請命後詔以田宏正爲節度使庭湊以軍作亂害宏正自稱留後脅監軍表請又取冀州穆宗怒詔宏正子布以魏博兵討之會魏博軍變布死乃赦庭湊復拒命討之無功後庭湊上書謝表上景州穆宗厭兵赦之復其官爵封太原郡公卒 元達庭湊次子庭湊死軍中以元達請命詔襲節度使以討劉稹功加同平章事太原郡公卒 紹鼎

元逵子嗣爲節度使遷尚書左僕射卒 紹懿元逵次子嗣爲留後封太原縣伯加檢校司空卒

景崇紹鼎子嗣爲節度使以功進檢校尚書右僕射同平章事常山王卒 鎔景崇子嗣爲節度爲

李克用所擊兵敗與克用和後復附於朱全忠全忠既篡封鎔趙王全忠謀取河北鎔附克用後爲其將張文禮所殺滅王氏之族文禮自爲留後李存勗討而誅之自庭湊至鎔凡百年

以上均通考封建考

右鎮冀藩鎮

李懷仙柳城胡爲安祿山裨將史朝義以爲幽州節度使朝義敗懷仙使其將李抱忠奉其首乃降卽授幽州盧龍節度使封武威郡王大曆二年爲其麾下朱希彩朱泚及弟滔所殺族其家

朱希彩幽州昌平人既與泚滔殺懷仙自稱留後代宗赦其罪詔宰相王縉爲節度使以希彩副之縉至鎮度希彩不可制勞軍卽還乃授希彩節度使封高密郡王七年爲其下所殺 泚希彩同宗

軍衆既殺希彩推爲留後詔卽拜節度使封懷甯郡王後入朝留京師 滔泚弟泚入朝滔攝留後泚留京師滔遂領節度討李惟岳取深州德宗賜以德棣二州以康自知爲深趙二州團練使滔失深州不平乃與王武俊等同叛僭號冀王武俊說推滔爲盟主涇原軍變泚僭逆武俊等乃叛滔攻之泚既誅滔兵復敗上書待罪詔洗鬱與更始未幾卒

劉忤幽州昌平人朱滔時積功至雄武軍使滔死軍中推忤總軍事詔爲節度使彭城郡公卒 濟

忤子忤嗣節度累遷同平章事以討王承宗功進中書令爲其子總所毒死 總濟次子既毒其父

卽領軍政詔嗣節度封楚國公進同平章事會吳元濟李師道平總恐乃用譚忠謀上疏願奉朝請
髡髮爲浮屠詔張宏靖領其軍總入朝至定州卒

朱克融滔族孫以偏校隨劉總入朝留京師久不得調詣宰相求自試不聽無聊怨忿張宏靖赴鎮
從還幽州軍變囚宏靖推克融領軍務時朝廷方討王庭湊薄克融罪就拜節度遷司空吳興郡王
後軍亂殺克融子延嗣領留後大將李載義殺而代之族其家

李載義自稱恒山愍王之後爲幽州牙中兵馬使朱克融死子延立叛命殘虐載義率衆殺之敬宗
授載義節度使封武威郡王以討賊功進同平章事後爲兵馬使楊志誠所逐入朝爲山南節度使
楊志誠爲載義牙將逐載義自爲留後詔以爲節度副使遷尚書右僕射爲其下所逐推部將史元
忠總留後詔以爲副大使會昌初爲偏將陳行泰所殺行泰遂節制未報次將張絳殺之

張仲武范陽人爲雄武軍使遣其屬入朝請擊回鶻自效會張絳殺陳行泰求節宰相李德裕請用
仲武乃以爲留後絳果爲軍所逐以破回鶻等功遷進節度使同平章事卒子直方嗣爲留後俄進
副大使直方舉動多不法畏下變起乃奔京師詔以爲金吾將軍後爲黃巢所殺

張允伸范陽人爲都知兵馬使直方出奔衆推爲留後俄遷節度使同平章事燕國公卒

張公素范陽人爲別將事允伸允伸死表其子簡會爲留後公素以兵來會喪軍士附之簡會乃出
奔詔公素爲節度使進同平章事後爲李茂勳所襲奔京師

李茂勳本回鶻阿布思之裔來降賜姓爲燕將讓納降軍使陳貢言反襲殺之因舉兵入府茂勳逃衆推主州務以聞卽拜節度使卒子可舉嗣爲節度使遷太尉後爲其將李全忠所攻自燔死

李全忠范陽人爲牙將攻可舉殺之爲留後拜節度使卒子匡威領留後進爲使後爲弟匡壽所逐奔趙謀取王鎔趙人殺之 匡壽旣逐兄匡威自爲留後詔授節度使後爲李克用所攻兵敗挈其族奔京師次景城爲盧彥威所殺克用遂取幽州以劉仁恭爲帥

劉仁恭深州人世爲鎮將有功李匡壽逐其兄成卒推仁恭趨幽州匡壽逆戰敗之仁恭乃奔太原李克用用其計攻匡壽取幽州表仁恭爲節度使後叛克用克用擊之不利仁恭獻捷於朱全忠全忠表爲同平章事以兵取滄景德三州後爲其子守光所囚晉王存勗討守光取幽州誅仁恭 守

光旣囚仁恭自爲盧龍節度使益驕侈僭號大燕皇帝晉遣兵討平之誅守光

以上均通考封建考

右盧龍藩鎮

李正己本高麗人爲營州副將從侯希逸入青州以軍侯從討史朝義有功後逐希逸出之詔代爲節度使本名懷玉至是賜今名加同中書門下平章事封饒陽郡王建中初與田悅梁崇義李惟岳偕叛卒子納父死自爲留後與李希烈朱滔等連和僭號齊王興元初乃歸命賜鐵券加同平章事封隴西郡王卒子師古嗣爲節度使加同平章事卒弟師道嗣爲留後遷副大使時方討蔡師道陰使人焚河陰漕院殺宰相元衡傷裴度爲蔡聲援蔡卒乃遣使請納三州旣而復拒命詔討之師道兵

屢敗爲其將劉悟所殺傳首京師

唐書列傳

右淄青藩鎮

程日華定州安喜人爲張孝忠牙將奉使至滄州會軍變殺刺史李固烈逼日華領州事時朱滔王武俊等叛招日華不從遂攻之日華棄城自固遣使自歸天子德宗喜拜日華御史大夫滄州刺史置橫海軍就以爲使卒子懷直嗣爲留後遷節度使卒子權嗣領軍務拜節度使累封至邢國公及淮西平請入朝辭軍政詔華州刺史鄭權代之

李全略本王武俊之裨將入朝投代州刺史程權入朝以鄭權代爲橫海節度使權遷以烏重允代之重允遷以杜叔良代之叔良討王廷湊兵敗乃命全略爲節度使卒子同捷領留後賂鄰藩爲請領父節不許同捷拒命詔討之同捷兵敗伏誅

以上均通考封建考

右橫海藩鎮

劉元佐滑州匡城人爲永平軍牙將李靈曜據汴州以之佐乘其無備襲取宋州德宗建中初充宋亳穎節度使以討李納等功進同平章事後爲假子藥士朝所鳩死子士甯嗣初元佐死朝命吳湊代之軍中不受命推士甯爲留後請命詔襲節度使後爲其大將李萬榮所逐萬榮爲留後遷節度使會病甚以兵屬鄧惟恭萬榮死惟恭乃執其子迺送京師杖死以董晉代爲節度使

唐書列傳

右宣武藩鎮

吳少誠幽州潞人爲李希烈將希烈僭逆爲陳仙奇所毒夷其妻子函首獻朝詔以仙奇爲淮西節度使少誠殺仙奇德宗因授少誠申蔡光等州節度觀察留後進拜節度使後拒命闔許州詔削奪官爵討之師不利乃赦其罪順帝卽位進同平章事封濮陽郡王卒 少陽本滄海清池人與少誠同在軍友善少誠養爲弟少誠死少陽殺其子元慶自稱留後詔拜節度使卒 元濟少陽子少陽死匿不發喪請於朝求世襲不許乃出兵反詔諸路軍討之李愬入蔡城俘元濟朝於京師

通考封建考

右彰義藩鎮

劉悟其祖正臣平盧節度使悟事李師道爲將師道拒命王師討之師道以悟將兵拒守復疑悟悟乃遣兵取鄆殺師道傳首京師拜義成節度使彭城郡王兼幽鎮招討使治邢州進同平章事卒子從諫領留後請命拜節度使入朝還鎮進同平章事卒 稹從諫從子從諫既卒擅領留後武帝詔稹護喪還鎮稹拒命詔討之稹兵敗其大將郭誼等殺之以降

通考封建考

右澤潞藩鎮

按唐自中葉以來皇子弟之封王者不出閭諸臣之封公侯者不世襲封建之制已盡廢矣至肅代而後則強藩私其土地甲兵而世守之同於列國故述諸鎮傳授之次第以繼諸王之後李茂貞深州博野人本姓宋爲軍卒成鳳翔隸鄭畋以功積遷至武定軍節度使會鳳翔節度使李昌符與天威都頭楊守爭立以兵相攻僖宗遣茂貞擊殺昌符就以茂貞爲鳳翔隴右節度使封隴

西郡王昭宗時擅以兵攻興元節度使楊守亮取其地詔徙茂貞山南節度以徐彥命鎮鳳翔茂貞不奉詔表辭不遜帝討之兵敗茂貞遂犯京師脅上誅杜讓能等乃還後與韓建王行瑜等舉兵犯京師李克用舉兵討之乃退後封岐王昭宗爲宦官所廢既反正宰相崔允欲借朱全忠兵誅宦官中尉韓全誨等劫帝幸鳳翔全忠圍之逾年茂貞與和帝乃出茂貞初破楊守亮取興元而郿甯鄜坊皆附之有地二十州當梁末年所有惟七州而已莊宗破梁遣子入朝改封秦王卒從曦茂貞子茂貞卒嗣爲鳳翔節度使

右鳳翔

李仁福不知其世家當唐僖宗時有拓跋思敬者爲夏州偏將後以預破黃巢功賜姓李氏拜夏州節度使思敬卒以弟思諫爲節度使自唐末天下大亂興元鳳翔郿甯鄜坊河中同華諸鎮之兵四面並起而交爭獨靈夏未嘗爲唐患亦無大功故其世次功過不顯而無傳梁開平初思諫卒軍中立其子彝昌爲留後拜節度使明年其將高宗益作亂殺彝昌時仁福爲蕃部指揮使軍中乃迎仁福立之不知其於思諫爲親疏也奉梁正朔拜節度使中書令封朔方王卒子彝超自爲留後唐明帝徙彝超延州刺史以安從進爲夏州節度使彝超拒命唐遣兵圍夏州不克乃釋之以彝超爲節度使卒弟彝興嗣封西平王周加太傅宋興加太尉卒追封夏王子克叡立襲靜難節度使卒贈侍中子繼筠立踰年卒弟繼捧立太平興國七年來朝以夏銀綬有靜五州地來歸其弟繼遷居銀州

李景爲寇入番旂詔以繼捧爲定難節度賜姓名趙保忠令招繼遷保忠言繼遷歸款以爲銀州刺史賜姓趙保吉後保吉與保忠合寇靈州詔討之保吉併保忠之眾保忠循還關詔賡夏州居民悉遷於綏銀等州削保吉所賜姓名復爲李繼遷遷使入貢後復入寇窺靈州詔李繼隆以五路兵攻之大小數十戰繼遷遁去太宗崩乃遣使修貢求領蕃任真宗復賜姓名拜定難軍節度使後復入寇陷靈州爲其番部射死子德明入貢土表歸款拜定難節度使西平王進封夏王卒子元昊嗣景祐初入寇後攻唃廝囉陷瓜沙肅三州盡得河西之地寶元元年僭號改元詔削奪元昊官爵遣兵討之慶曆四年乃遣使稱臣冊爲夏國王歲賜銀絹茶糴共二十五萬五千仍聽市易卒子諒祚立治平三年入寇明年种諤取綏州城之諒祚卒子秉常立元豐四年遣李憲等五路兵攻之取四砦城永樂夏人陷之秉常卒子乾順立元祐時來請所侵地并送還永樂陷沒人口詔還其米脂安強浮圖葭蘆四砦紹聖後章惇爲相遣師伐之夏人亦歲歲寇邊初夏國恃橫山諸族帳強勁善戰故用以抗中國种諤謀取橫山故興靈州之師及王師失利李憲始獻進築之策神宗厭兵不克行童貫舊嘗從憲得其彷彿故獻議進築遂領六路邊事將諸路兵六七年進築軍壘建立保砦遂得橫山之地夏人失所恃遂納款夏國自此少衰矣會金滅遼乾順以事遼之禮事金金人以天德雲中金肅河清四軍及八館之地賂之未幾復奪其地建炎時遣使入夏乾順已僭稱制待使倨自後始用敵國禮張浚吳玠遣使約夏夾攻金卒無成說紹興九年李顯忠自夏來歸是年乾順卒子天

所立嘉定間金遷汴有西都長安之意宿重兵於鞏州夏畏之遣使來議夾攻四川宣闢安丙從之遣董昭等攻鞏州不利

繼乾順而立者正史作天祈建炎以來朝野雜記作仁孝未知孰是自乾順之死至嘉定甲申凡八十餘年其後立者决非一主并夏亡之歲月正史不

載當續考

右靈夏

按唐末宇內皆爲節鎮而所謂節鎮者非士卒殺主帥則盜賊逐牧守朝廷不能討因而命之大概皆欲互相噬吞廣自封殖以爲子孫傳襲之計江淮以南之議起者其地非英雄所必爭又值中州多故無暇遠略故皆能傳世而北方節鎮其驟興忽敗不能以一世多爲宣武河東所併獨鳳翔之初起也據地最多故能崛起汴晉之間相爲長雄後雖日削而傳襲亦及再世靈夏僻在一隅據五州之地世事中朝及宋興四方僭僞節鎮悉已削平獨不能取其地蓋自繼遷以來教化外蕃戎之俗獷悍難制雖繼以女真之強暴而亦能自存傳世三百餘年然其地則唐之地而其初亦唐之節鎮也故叙鳳翔靈夏以繼唐史藩鎮傳所載八鎮之後

以上均通考封建考

唐四

職官官名稱位 三師三公 尚書省 左右僕射 左右丞都事 吏部尚書侍郎中員

外郎 司封郎中員外郎 司勳郎中員外郎 考功郎中員外郎 戶部尚書侍郎中員

中員外郎 度支郎中員外郎 全部郎中員外郎 倉部郎中員外郎 禮部尚書侍郎中員外郎

郎中員外郎 祠部郎中員外郎 膳部郎中員外郎 主客郎中員外郎 兵部尚書侍郎中員外郎

書侍郎中員外郎 職方郎中員外郎 駕部郎中員外郎 庫部郎中員外郎 刑部尚書侍郎中員外郎

工部尚書侍郎中員外郎 都官郎中員外郎 比部郎中員外郎 司門郎中員外郎 外郎 門下省侍中 門下侍郎 左散騎常侍 左諫議大夫 給事中 左補闕拾遺 起居郎 典儀 城門郎 符寶郎 宏文館學士 校書郎 中書省中書令 侍郎 舍人 右散騎常侍 諫議補闕拾遺 起居舍人 通事舍人 集賢殿書院學士 直學士 侍讀學士 修撰官 校書正字 史館修撰 秘書省監丞 秘書郎 著作郎 司天臺監丞 五官保章正 監候司 歷 五官靈臺郎 挈壺正 司辰漏刻博士 殿中 省監丞 進馬 尚食局 尚藥局 尚衣局 尚舍局 尚乘局 尚輦局

高祖發迹太原官名稱位皆依隋舊及登極之初未遑改作隨時署置務從省便武德七年定令以

太尉司徒司空為三公尚書門下中書秘書殿中內侍為六省次御史臺次太常光祿衛尉宗正太

僕大理鴻臚司農太府為九寺次將作監次國子學次天策上將府次左右衛左右驍衛左右領軍

左右武候左右監門左右屯左右領為十四衛府東宮置三師三少詹事府門下典書兩坊次內坊

次家令率更僕三寺次左右衛率府左右宗衛率府左右虞候率府左右監門率府左右內率府為

十率府王公以下置府佐國官公主置邑司已下並為京職事官州縣鎮戍岳瀆關津為外職事官

職官

又以開府儀同三司

從一品特進

正二品左光祿大夫

從一品右光祿大夫

正二品

散騎常侍

從三品太中大夫

正四品通直散騎常侍

正四品中大夫

從四品員外散騎常侍

從四品中散大夫

正五品

散騎侍郎

正五品通直散

騎侍郎

從五品

朝議郎承議郎

正六品

通議郎通直郎

從六品

朝請郎宣德郎

正七品

朝散郎宣義郎

從七品給

事郎徵事郎

正八品

承奉郎承務郎

從八品

儒林郎登仕郎

正九品

文林郎將仕郎

從九品

並為文散官輔國

正二品

鎮軍

從二品

大將軍冠軍

正三品

雲麾

從三品

忠武壯武宣威明威信遠遊騎游擊

自正四品上

至從五品下

十

將軍為散號將軍以加武士之無職事者改上開府儀同三司為上輕車都尉開府儀同三司為輕

車都尉儀同三司為騎都尉秦王齊王下統軍為護軍副統軍為副護軍上大都督為驍騎尉大都

督為飛騎尉都督為雲騎尉都督為武騎尉車騎將軍為游騎將軍親衛驃騎將軍為親尉中郎

將其勳衛驃騎準此親衛車騎將軍為親衛中郎將其勳衛翊衛車騎並準此監門府郎將為監門

中郎將領左右郎將準此諸軍驃騎將軍為統軍其秦王齊王下領三衛及庫直驅啞直車騎並準

此諸軍車騎將軍為別將其散官文騎尉為承議郎屯騎尉為通直郎雲騎尉為登仕郎羽騎尉為

將仕郎武德九年罷天策上將府貞觀元年改國子學為國子監分將作為少府監通將作為三監

八年七月始以雲麾將軍為從三品階九月以統軍正四品下別將正五品上十一年改令置太師

太傅太保為三師其二公已下六省一臺九寺三監十二衛東宮諸司並從舊定又改以光祿大夫

為從二品金紫光祿大夫為正三品銀青光祿大夫為從三品正議大夫為正四品上通議大夫為

為從二品金紫光祿大夫為正三品銀青光祿大夫為從三品正議大夫為正四品上通議大夫為

正四品下太中大夫爲從四品上中大夫爲從四品下中散大夫爲正五品上朝議大夫爲正五品

下朝請大夫爲從五品上朝散大夫爲從五品下其六品下唯改通議郎爲奉議郎自餘依舊更置

驃騎大將軍爲從一品武散官輔國鎮軍二大將軍爲從二品武散官冠軍將軍加大字及雲麾已

下游擊已上改爲五品已上武散官又置昭武振威致果翊麾宣節禦武仁勇陪戎八校尉副尉自

六品至後九品上階爲校尉下階爲副尉爲六品已下武散官凡九品已上職事皆帶散位謂之本品職事則隨才錄用

或從闕入劇或去高就卑遷從出入參差不定散位則一切以門蔭結品然後勞考進叙武德令職

事解散官欠一階不至爲兼職事卑者不解散官貞觀令以職事高者爲守職事卑者爲行仍各帶

散位其欠一階依舊爲兼與當階者皆解散官永徽已來欠一階者或爲兼或帶散官或爲守參而

用之其兩職事者亦爲兼頗相錯亂其欠一階之兼古念反其兩職事之兼古恬反字同音異耳咸亨二年始一切爲守自高宗

之後官名品秩屢有改易今錄永泰二年官品其改易品秩者注於官品之下若改官名及職員有

加減者則各附之於本職云唐初因隋號武德三年三月改納言爲侍中內史令爲中書令給事郎

爲給事中內書省爲中書省貞觀二十三年六月改民部尚書爲戶部尚書七月改治書侍御史爲

御史中丞改諸州治中爲司馬別駕爲長史治禮郎爲奉禮郎顯慶元年改戶部尚書爲度支尚書

侍郎爲度支侍郎又置驃騎大將軍員從一品龍朔二年二月甲子改百司及官名改尚書省爲中

臺僕射爲匡政左右丞爲肅機左右司郎中爲成務吏部爲司列主爵爲司封考功爲司績禮部爲

千四史九通文庫頁更令編 卷一百三十一 職官 約雅堂藏版

司禮祠部爲司禮膳部爲司膳主客爲司蕃戶部爲司元度支爲司度倉部爲司倉金部爲司珍兵部爲司戎職方爲司域駕部爲司輿庫部爲司庫刑部爲司刑都官爲司僕比部爲司計工部爲司平屯田爲司田虞部爲司虞水部爲司川餘司依舊尙書爲太常伯侍郎爲少常伯郎中爲大夫中書門下爲東西臺侍中爲左相黃門侍郎爲東臺侍郎給事中爲東臺舍人散騎常侍爲左右侍極諫議大夫爲正諫大夫中書令爲右相侍郎爲西臺侍郎舍人爲西臺舍人秘書省爲蘭臺監爲太史少監爲侍郎丞爲大夫著作郎爲司文郎太史令爲秘閣郎中御史臺爲憲臺御史大夫爲大司憲御史中丞爲司憲大夫殿中省爲中御府丞爲大夫尙食爲奉膳尙藥爲奉醫尙衣爲奉冕尙舍爲奉展尙乘爲奉駕尙輦爲奉御並爲大夫內侍省爲內侍監太常爲奉常光祿爲司宰衛尉爲司衛宗正爲司宗太僕爲司馭大理爲詳刑正爲大夫鴻臚爲司文司農爲司稼太府爲外府卿並爲正卿少府監爲內府監將作監爲繕工監大匠爲大監少匠爲少監國子監爲司丞館國子祭酒爲大司成司業爲少司成博士爲宣業都水爲司津監左右衛府左右驍衛府左右武衛府並除府字左右屯衛府爲左右威衛左右領軍衛爲左右戎衛武侯爲金吾衛千牛爲奉宸衛屯營爲羽林軍詹事爲端尹府門下典書爲左右春坊左右庶子爲左右中護中允爲左贊善大夫洗馬爲司經大夫中舍人爲右贊善大夫家令寺爲宮府寺率更寺爲司更寺僕寺爲馭僕寺長官並爲大夫左右衛率府爲典戎衛率府爲司禦衛左右虞候率府爲清道衛監門率府爲崇掖衛內率府爲奉裕衛

七日又制廢尚書令改起居郎爲左史起居舍人爲右史著作佐郎爲司文郎太史丞爲祕閣郎左
右千牛爲奉宸司議郎爲左司議郎太子舍人爲右司議郎典膳藥藏內直監宮門大夫並改爲郎
太子千牛爲奉裕總章二年置司列司戎少常伯各兩員咸亨元年十一月詔龍朔二年新改尚書
省百司及僕射已下官名並依舊其東宮十率府有異上臺諸衛各宜依舊爲率府其左司議郎除
左字其左右金吾左右威衛依新改永淳元年七月置州別駕光宅元年九月改尚書省爲文昌臺
左右僕射爲文昌左右相吏部爲天官戶部爲地官禮部爲春官兵部爲夏官刑部爲秋官工部爲
冬官門下省爲鸞臺中書省爲鳳閣侍中爲納言中書令爲內史太常爲司禮鴻臚爲司省示正爲
司屬光祿爲司膳太府爲司府太僕爲司僕衛尉爲司衛大理爲司刑司農依舊左右驍衛爲左右
威衛左右武衛爲左右鷹揚衛左右威衛爲左右豹衛左右領軍衛爲左右玉鈴衛左右金吾衛依
舊御史臺改爲左肅政臺專知京百官及監諸軍旅并承詔出使更置右肅政臺專知諸州案察垂
拱元年二月改黃門侍郎爲鸞臺侍郎文昌都省爲都臺主爵爲司封秘書省爲麟臺內侍省爲司
宮臺少府監爲尚方監其左右尚方兩署除方字將作監爲營繕監國子監爲成均監都水監爲水
衡監其詹事府爲官尹府詹事爲太尹少詹事爲少尹左右內率府爲左右奉裕率府千牛爲左右
奉裕左右監門率府爲左右控鶴禁率府諸衛鎧曹改爲曹曹司膳寺館藏署改爲珍羞署十月增
置天官侍郎一員又置左右補闕拾遺各二員二年加秋官侍郎一員永昌元年置左右司員外郎

各一員天授二年增置左右補闕拾遺各三員通滿五員長壽二年增置官侍郎三員大足元年加營繕少匠一員左右羽林衛各增置將軍一員洛雍并荆揚益六州置左右司馬各一員長安二年增置司勳員外郎一員地官依舊置侍郎一員洛并及三天都督府司馬宜依舊置一員神龍元年二月臺閣官名並依永高已前故事廢左右司員外郎左右千牛衛各置大將軍一員東都置太廟官吏增置太常大理少卿各一員二年又置員外郎凡一千餘人超授闕官七品已上員外者又千餘人十二月復置左右司員外郎各一員景雲二年復置太子左右諭德太子左右贊善大夫各兩員雍洛及大都督府長史加爲三品階別駕致敬依前太極元年光祿大理鴻臚太府衛尉宗正各增置少卿一員秘書少監國子司業少府少監將作少匠左右臺中丞各增置一員雍洛一州及益并荆揚四大都督府各增置司馬一員分爲左右司馬開元元年十二月改尙書左右僕射爲左右丞相中書省爲紫薇省門下省爲黃門省侍中爲監雍州爲京兆府洛州爲河南府長史爲尹司馬爲少尹錄事參軍爲司錄參軍餘司改司爲曹五年九月紫薇省依舊爲中書省黃門省爲門下省黃門監爲侍中二十四年九月改主爵爲司封天寶元年二月侍中改爲左相中書令改爲右相左右丞相依舊爲僕射黃門侍郎爲門下侍郎改州爲郡刺史爲太守十一載正月改吏部爲文部兵部爲武部刑部爲憲部其行內諸司有部者並改改駕部爲司駕庫部爲司庫金部爲司金倉部爲司儲比部爲司計祠部爲司禮膳部爲司膳虞部爲司虞水部爲司水將作大匠爲監少匠爲少監

至德二載十二月勅近日所改百司額及郡各并官名一切依故事於是侍中中書令兵吏部等並仍舊罷郡爲州復以太守爲刺史

舊唐書
職官志

右百官名號

太師太傅太保各一人是爲三師太尉司徒司空各一人是爲三公皆正一品三師天子所師法無所總職非其人則闕三公佐天子理陰陽平邦國無所不統親王拜者不親事祭祀闕則攝

隋廢三師貞觀

十一年復置與三公皆不
擬官屬 新唐書百官志

右三師三公

尚書省尚書令一人正二品掌典領百官其屬有六尚書一曰吏部二曰戶部三曰禮部四曰兵部五曰刑部六曰工部

六尚書兵部吏部爲前行刑部戶部爲中行工部禮部爲後行總四司以本行爲頭司餘爲子司

庶務皆會決焉凡上之達下

其制有六一曰制二曰勅三曰冊天子用之四曰令皇太子用之五曰教親王公主用之六曰符省

下於州州下於縣縣下於鄉下之達上其制有六一曰表二曰狀三曰牋四曰啓五曰辭六曰牒諸

司相質其制有三一曰關二曰刺三曰移凡授內外百司之事皆印其發曰爲程一曰受二曰報諸

州計奏達京師以事大小多少爲之節凡符移關牒必遣於都省乃下天下大事不決者皆上尚書

省凡制勅計奏之數省符宣宣之節以歲終爲斷

龍朔二年改尚書省曰中臺廢尚書令尚書曰大常伯侍郎曰少常伯光宅元年改尚書省曰文昌

臺儀曰文昌都省垂拱元年
曰都臺長安三年曰中臺

右尚書省

左右僕射各一人從二品掌統理六官爲令之貳令闕則總省事劾御史糾不當者

龍朔二年廢左右僕射曰左右

匡政光宅元年曰文昌左右相開元元年曰左右丞相天寶元年復

右左右僕射

左丞一人正四品上右丞一人正四品下掌辨六官之儀糾正省內劾御史舉不當者吏部戶部禮

部左丞總馬兵部刑部工部右丞總馬郎中各一人從五品上員外郎各一人從六品上掌付諸司

之務舉稽違署符目知宿直爲丞之貳以都事受事發辰察稽失監印給紙筆以主事令史書令史

署覆文案出符目以亭長啓閉傳禁約以掌固守當倉庫及陳設諸司皆如之

隋尚書省諸司郎及陳務郎各一人而廢

左右司武德三年改諸司郎爲郎中丞務郎爲員外郎貞觀元年復置左右司郎中龍朔元年改左右丞曰左右肅機郎中曰左右丞務諸司郎中曰大夫永昌元年復置員外郎神龍元年省明年復

置初有駟驛百人掌乘傳送符後廢

都事各六人從七品上主事各六人從八品下吏部考功禮部主書皆如之諸司主事從九品上

史各十八人書令史各三十六人亭長各六人掌固各十四人

右左右丞都事

吏部尚書一人正三品侍郎二人正四品上郎中二人正五品上員外郎二人從六品上掌文選勅

封考課之政以三銓之法官天下之材以身言書判德行才用勞效較其優劣而定留放爲之注擬

五品以上名上而聽制授六品以下量資而任之其屬有四一曰吏部二曰司封三曰司勳四曰考功吏部郎中掌文官階品朝集祿賜給其告身假使一人掌選補流外官員外郎二人從六品上一人判南曹皆爲尙書侍郎之貳凡文官九品有正有從自正四品以下有上下爲三十等凡文散階二十九從一品曰開府儀同三司正二品曰特進從二品曰光祿大夫正三品曰金紫光祿大夫從三品曰銀青光祿大夫正四品上曰正議大夫正四品下曰通議大夫從四品上曰太中大夫從四品下曰中大夫正五品上曰中散大夫正五品下曰朝議大夫從五品上曰朝請大夫從五品下曰朝散大夫正六品上曰朝議郎正六品下曰承議郎從六品上曰奉議郎從六品下曰通直郎正七品上曰朝請郎正七品下曰宣德郎從七品上曰朝散郎從七品下曰宣義郎正八品上曰給事郎正八品下曰徵事郎從八品上曰承奉郎從八品下曰承務郎正九品上曰儒林郎正九品下曰登仕郎從九品上曰文林郎從九品下曰將仕郎自四品皆番上於吏部不上者歲輸資錢三品以上六百六品以下一千水旱蟲霜減半資有藝樂京上者每州七人六十不樂簡選者罷輸勳官亦如之以征鎮功得護軍以上者納資減三之一凡流外九品取其書計時務其校試銓注與流內略同謂之小選吏部主事四人司封主事二人司勳主事四人考功主事三人

武德五年改選部曰吏部七年省侍郎貞觀二年

年復龍朔元年改吏部曰司列主爵曰司封考功曰司績武后光宅元年改吏部曰天官垂拱元年改主爵曰司封天寶十一載改吏部曰文部至德二載復舊有吏部令史三十人書令史六十八人制書令史十四人甲庫令史十一人亭長八人掌固十二人司封令史四人書令史九人掌固四人司勳令史三十三人書令史六十七人掌固四人考功令史十五人書令史三十八人掌固四人

右吏部尚書侍郎中員外郎

司封郎中一人從五品上員外郎一人從六品上諸郎中員外郎品皆如之掌封命朝會賜予之級凡爵九等一曰王食邑萬戶正一品二曰嗣王郡王食邑五千戶從一品三曰國公食邑二千戶從二品四曰開國郡公食邑二千戶正二品五曰開國縣公食邑千五百戶從二品六曰開國縣侯食邑千戶從三品七曰開國縣伯食邑七百戶正四品上八曰開國縣子食邑五百戶正五品上九曰開國縣男食邑三百戶從五品上皇兄弟皇子皆封國為親王皇太子子為郡王親王之子承嫡者為嗣王諸子為郡公以恩進者封郡王襲郡王嗣王者封國公皇姑為大長公主正一品妙為長公主文為公主皆視一品皇太子女為郡主從一品親王文為縣主從二品按舊唐書作視正二品凡王公十五以上預朝集宗親文婦諸王長女月二參內命婦一品母為正四品郡君二品母為從四品郡君三品四品母為正五品縣君凡諸王公主外戚之家卜祝占相不入門王妃公主郡縣主妾居有子者不再嫁凡外命婦有六王嗣王郡王之母妻為妃文武官一品國公之母妻為國夫人三品以上母妻為郡夫人四品母妻為郡君五品母妻為縣君勳官四品有封者母妻為卿君凡外命婦朝參視夫子之品諸蕃三品以上母妻授封以制流外技術官不封母妻親王孺人二人視正五品媵十人視從六品二品媵八人視正七品國公及三品媵六人視從七品四品媵四人視正八品五品媵三人視從八品凡置媵上其數補以告身散官三品以上皆置媵凡封戶三丁以上為率歲租三之一

入於朝廷實封者得還戶分食諸州皇后諸王公主食邑皆有課戶名山大川畿內之地皆不以封
右司封郎中員外郎

司勳郎中一人員外郎二人掌官吏勳級凡十有二轉爲上柱國視正二品十有一轉爲柱國視從
二品十轉爲上護軍視正三品九轉爲護軍視從三品八轉爲上輕車都尉視正四品七轉爲輕車
都尉視從四品六轉爲上騎都尉視正五品五轉爲騎都尉視從五品四轉爲驍騎尉視正六品三
轉爲飛騎尉視從六品二轉爲雲騎尉視正七品一轉爲武騎尉視從七品凡以功授者覆實然後
奏擬戰功則計殺獲之數堅城苦戰功第一者三轉出少擊多曰上陣兵數相當曰中陣出多擊少
曰下陣矢石未交陷堅突眾敵因而敗者曰跳盪殺獲十之四曰上獲十之二曰中獲十之一曰下
獲凡酬功之等見任前資常選曰上資文武散官衛官勳官五品以上曰次資五品以上子孫上柱
國柱國子勳官六品以下曰下資曰丁衛士曰無資跳盪八上資加二階次資下資無資以次降凡
上陣上獲五轉中獲四轉下獲三轉第二第三等遞降焉中陣之上獲抵上陣之中獲中獲抵上陣
之下獲下獲兩轉下陣之上獲抵中陣之中獲中獲抵中陣之下獲下獲一轉破蠻獠上陣上獲比
兩番降二轉凡勳官九百人無職任者番上於兵部抵遠近爲十二番以強幹者爲番頭留宿衛者
爲番月上外州分五番主城門倉庫執刀上柱國以下番上四年驍騎尉以下番上五年簡於兵部
授散官不第者五品以上復番上四年六品以下五年簡如初再不中者十二年則番上六年八年

則番上四年勲至上柱國有餘則授周以上親無者賜物太常音聲人得五品以上勲非征討功不除簿諸州授勲人歲第勲之高下三月一報戶部有蠲免必驗

右司勲郎中員外郎

考功郎中員外郎各一人掌文武百官功過善惡之考法及其行狀若死而傳於史官謚於太常則以其行狀質其當不其欲銘於碑者則會百官議其且述者以聞報其家其考法凡百司之長歲較其屬功過差以九等大合眾而流之流內之官叙以四善一曰德義有聞二曰清慎明著三曰公平可稱四曰恪勤匪懈善狀之外有二十七最一曰獻可替否拾遺補闕爲近侍之最二曰銓衡人物擢盡才良爲選司之最三曰揚清激濁褒貶必當爲考校之最四曰禮制儀式動合經典爲禮官之最五曰音律克諧不失節奏爲樂官之最六曰決斷不滯與奪合理爲判事之最七曰部統有方警守無失爲宿衛之最八曰兵士調習戎裝充備爲督領之最九曰推鞠得情處斷允平爲法官之最十曰警校精審明於刑定爲校正之最十一曰承旨敷奏吐納明敏爲宣納之最十二曰訓導有方生徒克業爲學官之最十三曰賞罰嚴明攻戰必勝爲軍將之最十四曰禮義興行肅清所部爲政教之最十五曰詳錄典正詞理兼舉爲文史之最十六曰訪察精審彈舉必當爲糾正之最十七曰明於勘覆稽失無隱爲句檢之最十八曰職事修理供承強濟爲監掌之最十九曰功課皆充丁匠無怨爲役使之最二十曰耕耨以時收穫成課爲屯官之最二十一曰謹於蓋藏明於出納爲倉野

之最二十一日推步盈虛究理精密爲歷官之最二十三日占候醫卜效驗多者爲方術之最二十四日檢察有方行旅無壅爲闕津之最二十五日市廛弗擾姦濫不行爲市司之最二十六日牧養肥碩着息孳多爲牧官之最二十七日邊境清肅城隍修理爲鎮防之最一最四善爲上上一最三善爲上中一最二善爲上下無最而有一善爲中上無最而有一善爲中中職事粗理善最不闕爲中下愛憎任情處斷乖理爲下上背公向私職務廢闕爲下中居官飾詐貪濁有狀爲下下凡定考皆集於尙書省唱第然後奏親王及中書門下京官三品以上都督刺史都護節度觀察使則奏功過狀以覈考行之上下每歲尙書省諸司具州牧刺史縣令殊功異行災蝗祥瑞戶口賦役增減盜賊多少皆上於考司監領之官以能撫養役使者爲功有耗亡者以十分爲率一分爲一殿博士助教計講授多少爲差親勲翊衛以行能功過爲三等親勲翊衛備身東宮親勲翊衛備身王府執仗親事執乘親事及親勲翊衛主帥校尉直長品子雜任飛騎皆上中下考有二上第者加階番考別爲簿以待郎顯掌之流外官以行能功過爲四等清謹勤公爲上執事無私爲中不勤其職爲下貪濁有狀爲下下凡考中上以上每進一等加祿一季中中守本祿中下以下每退一等奪祿一季中品以下四考皆中中者進一階一中上考復進一階一上下考進二階計富進而參有下考者以一中上覆一中下以一下覆二中下上中以上雖有下考從上第有下下考者解任凡制勅不便有執奏者進其考貞觀初咸定京官望高者一人分校京官外官考給事中中書各人各一人蒞之號

監中外官考使考功郎中判京官考員外郎判外官考其後屢置監考校考知考使故事考簿朱書吏緣爲姦咸通十四年始以墨

右考功郎中員外郎

戶部尚書一人正三品侍郎二人正四品下掌天下土地人民錢穀之政貢獻之差其屬有四一曰戶部二曰度支三曰金部四曰倉部戶部郎中員外郎掌戶口土田賦役貢獻蠲免優復媼婚繼嗣之事以男女之黃小中丁老爲之帳籍以永業口分園宅均其土田以租庸調斂其物以九等定天下之戶以爲尙書侍郎之貳其後以諸行郎官判錢穀而戶部度支郎官失其職矣會昌二年著令以本行郎官分判錢穀戶部巡官二人主事四人度支主事二人金部主事三人倉部主事三人高宗卽位改民部曰戶部後改戶部曰司元度支曰司度金部曰司珍倉部曰司庾光宅初改戶部曰地官天寶十一載改金部曰司金倉部曰司儲有戶部令史十七人書令史二十四人計史一人亭長六人掌固十人度支令史十六人書令史三十三人計史一人掌固四人金部主事三人令史十人書令史二十一人計史一人掌固四人倉部令史十二人書令史二十三人計史一人掌固四人

右戶部尙書侍郎郎中員外郎

度支郎中員外郎各一人掌天下租賦物產豐約之宜水陸道涂之利歲計所出而支調之以近及遠與中書門下議定乃奏

右度支郎中員外郎

全部郎中員外郎各一人掌天下庫藏出納權衡度量之數兩京市互市和市宮市交易之事百官

軍鎮蕃客之賜及給宮人王妃官奴婢衣服

右金部郎中員外郎

倉部郎中

按舊唐書作二人

員外郎各一人掌天下軍儲出納租稅祿糧倉廩之事以木契百合諸司出給

之數以義倉常平倉備凶年平糶價

右倉部郎中員外郎

禮部尚書一人正三品侍郎一人正四品下掌禮儀祭享貢舉之政其屬有四一曰禮部二曰祠部三曰膳部四曰主客禮部郎中員外郎掌禮樂學校衣冠符印表疏圖書冊命祥瑞鋪設及百官宮人喪葬贈聘之數爲尚書侍郎之貳五禮之儀一曰吉禮二曰賓禮三曰軍禮四曰嘉禮五曰凶禮凡齊衰心喪以上奪情從職及周喪未練大功未葬皆不預宴大功以上喪受冊泣官鼓吹從而不作戎事則否凡朝晚入失儀御史錄名奪俸三奪者奏彈凡出蕃冊授弔贈者給衣冠皇帝巡幸兩京文武官職事五品以上月朔以表參起居近州刺史遣使一參留守月遣使起居北都則四時遣使起居諸司奏大事者前期三日具狀長宮躬署對仗伏奏仗下中書門下泣讀河南太原府父老每歲上表願駕幸遣使以聞駕在都則京兆府亦如之凡景雲慶雲爲大瑞其名物六十有四白狼赤兔爲上瑞其名物三十有八蒼烏朱鴈爲中瑞其名物三十有二嘉禾芝草木連理爲下瑞其名物十四大瑞則百官詣闕奉賀餘瑞歲終員外郎以聞有司告廟凡喪二品以上稱薨五品以上稱

卒自六品達於庶人稱死皇親三品以上喪舉哀有司帳具給食諸蕃首領喪則主客鴻臚月奏禮

部主事二人祠部主事二人膳部主事二人主客主事二人武德三年改儀曹郎曰禮部郎中司藩

禮祠部曰司膳膳部曰司膳光宅元年改禮部曰春官有禮部令史五人書令史十三人亭長六人掌固八人祠部令史六人書令史十三人掌固四人主客令史四人書令史九人掌固四人

右禮部尚書侍郎郎中員外郎

祠部郎中員外郎各一人掌祠祀享祭天文漏刻國忌廟諱卜筮醫藥僧尼之事珠玉珍寶供祭者不求於市駕部比部歲會牲之死亡輸皮於太府郊祭酒醴脯醢黍稷果實所司長官封署以供兩京及磧西諸州火祆歲再祀而禁民祈祭凡巡幸路次名山大川聖帝明王名臣墓州縣以官告祭二王後享廟則給牲牢祭器而完其帷帟几案主客以四時省問凡國忌廢務日內教太常停習樂兩京文武五品以上及清官七品以上行香於寺觀凡名醫子弟試療病三年有驗者以名聞

右祠部郎中員外郎

膳部郎中員外郎各一人掌陵廟之牲豆酒膳諸司供奉口味躬錡其饗乃遣進胙亦如之非大禮大慶不獻食不進口味凡羊至厨而乳者釋之長生大齋日尚食進蔬食釋所殺羊爲長生供奉凡獻食進口味不殺犢尚食有猝須別索必奏覆月終而會之凡尚食進食以種取而別嘗之殿中省主膳上食於諸陵以番上下四時遣食醫主食各一人泣之

右膳部郎中員外郎

主客郎中員外郎各一人掌二王後諸蕃朝見之事二王後子孫視正三品鄒公歲賜絹三百米粟亦如之介公減三之一殊俗入朝者始至之州給牒覆其人數謂之邊牒蕃州都督刺史朝集日視品給以衣冠袴褶乘傳者日四驛乘驛者六驛供客食料以四時輸鴻臚季終旬會之客初至及辭設會第一等視三品第二等視四品第三等視五品蕃望非高者視散官而減半參日設食路由大海者給祈羊豕皆一西南蕃使還者給入海程糧西北諸蕃則給度碯程糧蕃客請宿衛者奏狀貌年齒突厥使置市坊有貿易錄奏爲實其輕重太府丞一人蒞之蕃王首領死子孫襲初授官兄弟子降一品兄弟子代攝者嫡年十五還以政使絕域者還上聞見及風俗之宜供饋贈貺之數

右主客郎中員外郎

兵部尙書一人正三品侍郎二人正四品下掌武選地圖軍馬甲械之政其屬有四一曰兵部二曰職方三曰駕部四曰庫部凡將出征告廟授斧鉞軍不從令大將專決還日具上其罪凡發兵降勅書於尙書尙書下文符放十人發十馬軍器出十皆不待勅衛士番直發一人以上必覆奏諸蕃首領至則備威儀郊導凡俘馘酬以絹入鈔之俘歸於司農郎中一人判帳及武官階品衛府衆寡校考給告身之事一人判簿及軍戎調遣之名數朝集祿賜假告之常員外郎一人掌貢舉雜請一人判南曹歲選解狀則覈簿書資歷考課皆爲尙書侍郎之貳武散階四十有五從一品曰驃騎大將軍正二品曰輔國大將軍從二品曰鎮軍大將軍正三品上曰冠軍大將軍懷化大將軍正三品下

曰懷化將軍

按舊唐書無

從三品上曰雲麾將軍歸德大將軍從三品下曰歸德將軍正四品上曰忠武

將軍正四品下曰壯武將軍懷化中郎將從四品上曰宣威將軍從四品下曰明威將軍歸德中郎

將正五品上曰定遠將軍正五品下曰甯遠將軍懷化郎將從五品上曰游騎將軍從五品下曰游

擊將軍歸德郎將正六品上曰昭武校尉正六品下曰昭武副尉懷化司階從六品上曰振威校尉

從六品下曰振威副尉歸德司階正七品上曰致果校尉正七品下曰致果副尉懷化中侯從七品

上曰翊麾校尉從七品下曰翊麾副尉歸德中候正八品上曰宣節校尉正八品下曰宣節副尉從

化司戈從八品上曰禦侮校尉從八品下曰禦侮副尉歸德司戈正九品上曰仁勇校尉正九品下

曰仁勇副尉懷化執戟長上從九品上曰陪戎校尉從九品下曰陪戎副尉歸德執戟長上自四品

以上皆番上於兵部以遠近爲八番三月以上三千里外者免番輸資如文散官唯追集乃上六品

以下尙書省送符懷化大將軍歸德大將軍配諸衛上下餘直諸衛爲十二番皆月上忠武將軍以

下游擊將軍以上每番閱強毅者直諸衛番滿有將略者以名聞兵部主事四人職方主事二人駕

部主事二人庫部主事二人

龍朔二年改兵部曰司戎職方曰司城駕部曰司輿庫部曰司庫光宅元年改兵部曰夏官天寶十一載曰武部駕部曰司駕有兵部令史三

十八書令史六十八制書令史十三人甲庫令史十三人亭長八人掌固十二人職方令史四人書令史九人掌固四人駕部令史十人書令史二十四人掌固四人庫部令史七人書令史十五人掌

固四人

右兵部尙書侍郎郎中員外郎

職方郎中員外郎各一人掌地圖城隍鎮戍烽候防人道路之遠近及四夷歸化之事凡圖經非州縣增廢五年乃修歲與版籍偕上凡蕃客至鴻臚訊其國山川風土爲圖奏之副上於職方殊俗入朝者圖其容狀衣服以聞

右職方郎中員外郎

駕部郎中員外郎各一人掌輿輦車乘傳驛廐牧馬牛雜畜之籍凡給馬者一品八匹二品六匹三品五匹四品五品四匹六品三匹七品以下二匹給傳乘者一品十馬二品九馬三品八馬四品五品四馬六品七品二馬八品九品一馬三品以上勅召者給四馬五品三馬六品以下有差凡驛馬給地四頃時以首藉凡三十里有驛驛有長舉天下四方之所達爲驛千六百三十九阻險無水草鎮戍者視路要隙置官馬水驛有舟凡傳驛馬驢每歲上其死損肥瘠之數

右駕部郎中員外郎

庫部郎中員外郎各一人掌戎器鹵簿儀仗元日冬至陳設祠祀喪葬辨其名數而供焉凡戎器色別而異處以衛尉幕士暴涼之京衛旗畫蹲獸立禽行幸則給飛走旗凡諸衛儀仗以御史泣其度掌武庫器仗則兵部長官泣其修元京官五品以上征行者假甲纛旗幡稍諸衛給弓千牛給甲

右庫部郎中員外郎

刑部尚書一人正三品侍郎一人正四品下掌律令刑法徒隸按覆讞禁之政其屬有四一曰刑部

二曰都官三曰比部四曰司門刑部郎中員外郎掌律法按覆大理及天下奏讞爲尚書侍郎之貳凡刑法之書有四一曰律二曰令三曰格四曰式凡鞠大獄以尚書侍郎與御史中丞大理卿爲三

司使凡國有大赦集囚徒於闕下以聽刑部主事四人都官主事二人比部主事四人

按舊唐書作二人

門主事二人

龍朔二年改刑部曰司刑都官曰司僕比部曰司計司門曰司闕光宅元年改刑部曰秋官天寶十一載改刑部曰司憲比部曰司計有刑部令史十九人書令史三十八人

亭長六人掌固十人都官令史九人書令史十二人掌固四人比部令史十四人書令史二十七人計史一人掌固四人司門令史六人書令史十三人掌固四人

右刑部尚書侍郎郎中員外郎

都官郎中員外郎各一人

按舊唐書作二人通考同

掌符隸簿錄給衣糧醫藥而理其訟免凡反逆相坐沒其家

配官曹長役爲官奴婢一免者一歲三番役再免爲雜戶亦曰官戶二歲五番役每番皆一月三免

爲良人六十以上及廢疾者爲官戶

按舊唐書作蕃戶

七十爲良人每歲孟春上其籍自黃口以上印臂仲

冬送於都官條其生息而按比之樂工獸醫騙馬調馬群頭栽接之人皆取焉附貫州縣者按比如

平民不番上歲督丁資爲錢一千五百丁婢中男五輸其一侍丁殘疾半輸凡居作者差以三等四

歲以上爲小十一以上爲中二十以上爲丁丁奴三當二役中奴丁婢二當一役中婢三當一役

右都官郎中員外郎

比部郎中員外郎各一人掌句會內外賦斂經費俸祿公廩勲賜贖贖徒役課程逋欠之物及軍資

械器和糴屯收所入京師倉庫三月一比諸司諸吏京都四時句會於尚書省以後季句前季諸州

則歲終總句焉

右比部郎中員外郎

司門郎中員外郎各一人掌門闕出入之籍及闕遺之物凡著籍月一易之流內記官爵姓名流外記年齒貌狀非遷解不除凡有名者降墨勅勒銅魚木契然後入監門校尉巡日送平安凡奏事遺官送之書題時刻夜題更壽命婦諸親朝參者內侍監校尉泣索凡葦傘車不入宮門闕遺之物揭於門外榜以物色暮年沒官天下關二十六有上中下之差度者本司給過所出塞踰月者給行牒獵手所過給長籍三月一易蕃客往來閱其裝重入一關者餘關不議

右司門郎中員外郎

工部尚書一人正三品侍郎一人正四品下掌山澤屯田工匠諸司公廨紙筆墨之事其屬有四一曰工部二曰屯田三曰虞部四曰水部工部郎中員外郎各一人掌城池土木之工役程式為尚書侍郎之貳凡京都營繕皆下少府將作其用役于功者先奏凡工匠以州縣為團五人為火五火置長一人四月至七月為長功二月三月八月九月為中功十月至正月為短功雇者日為絹三尺

內中尚巧匠無作則納資凡津梁道路治以九月工部主事三人按舊唐書作二人屯田主事二人虞部主

事二人水部主事二人武德三年改起部曰工部龍朔二年曰司平屯田曰司田虞部曰司虞水部曰司水

郎有令史十二人書令史二十一人計史一人亭長六人掌固八人屯田令史七人書令史十二人計史一人掌固四人虞部令史四人書令史九人掌固四人水部令史四人書令史九人掌固四人

右工部尚書侍郎中員外郎

屯田郎中員外郎各一人掌天下屯田及京文武職田諸司公廩田以品給焉

右屯田郎中員外郎

虞部郎中員外郎各一人掌京都衛闕苑圃山澤草木及百官蕃客時蔬薪炭供頓畋獵之事每歲春以戶小兒戶婢仗內蒔種溉灌冬則謹其蒙覆凡郊祠神壇五岳名山樵採芻牧有禁距墮三十步外得耕種春夏不伐木京兆河南府三百里內正月五月九月禁弋獵山澤有寶可供用者以聞

右虞部郎中員外郎

水部郎中員外郎各一人掌津濟船艦渠梁堤堰溝洫漁捕運漕碾磑之事凡坑陷井穴皆有標京畿有渠長斗門長諸州堤堰刺史縣令以時檢其決築有隸則以下戶分牽禁爭利者

新唐書百官志

右水部郎中員外郎

門下省侍中二人正二品掌出納帝命相禮儀凡國家之務與中書令參總而顯判省事下之通上其制有六一曰奏鈔以支度國用授六品以下官斷流以下罪及除免官用之二曰奏彈三曰露布四曰議五曰表六曰狀自露布以上乃審其餘覆奏畫制可而授尚書省行幸則負寶以從版奏中嚴外辦還宮則請降輅解嚴皇帝齋則請就齋室將奠則奉玉幣盥則奉匱取盥酌澣水贊洗酌泛齊受虛爵進福酒皆左右其儀享宗廟進瓚而贊酌鬱酒既裸贊酌醴齊藉田則奉耒四夷朝見則

承詔勞問臨軒命使冊皇后皇太子則承詔降宣命慰問聘召則泣封題發驛遣使則給魚符凡官爵廢置刑政損益授之史官既書復泣其記注職事官六品以下進擬則審其稱否而進退之武德元年

右門下省侍中

改侍內曰納言三年曰侍中龍朔二年改門下省曰東臺侍中曰左相武后光宅元年日納言垂拱元年改門下省曰鸞臺改元元年曰黃門省侍中曰監天寶元年曰左相

門下侍郎二人正三品掌貳侍中之職大祭祀則從盥則奉巾既悅奠巾奉匏爵贊獻元日冬至奏

天下祥瑞侍中闕則泣封符券給傳驛龍朔二年改黃門侍郎曰東臺侍郎垂拱初曰鸞臺侍郎天寶初曰門下侍郎乾元初曰黃門侍郎大歷二年復舊

右門下侍郎

左散騎常侍二人正三品下掌規諷過失侍從顧問

隋廢散騎常侍貞觀元年復置十七年爲職事官顯慶二年分左右隸門下中書省皆金鞵

貂左散騎與侍中爲左貂右散騎與中書令爲右貂謂之八貂龍朔二年曰侍極

右左散騎常侍

左諫議大夫四人正四品下掌諫諭得失侍從贊相武后垂拱二年有魚保忠者上書請置匭以

四方之書乃鑄銅匭四塗以方色列於朝堂青匭曰延恩在東告養人勸農之事者投之丹匭曰招

諫在南論時政得失者投之白匭曰伸冤在西陳抑屈者投之黑匭曰通玄在北告天文祕謀者投

之以諫議大夫補闕拾遺一人克使知匭事御史中丞侍御史一人爲理匭使其後同爲一匭天寶

九載玄宗以匭聲近鬼改理匭使爲獻納使至德元年復舊寶應元年命中書門下擇正直清白官

一人知匭以給事中中書舍人爲理匭使建中二年以御史中丞爲理匭使諫議大夫一人爲知匭使投匭者使先驗副本開成三年知匭使李中敏以爲非所以廣聰明而慮幽枉也乃奏罷驗副封

武德元年置諫議大夫龍朔二年曰正諫大夫貞元四年分左右

右左諫議大夫

給事中四人正五品上掌侍左右分判省事察宏文館繕寫讎校之課凡百司奏抄侍中既審則駁正違失詔勅不便者塗竄而奏還謂之塗歸季終奏駁正之目凡大事覆奏小事署而殞之三司詳決失中則裁其輕重發驛遣使則與侍郎審其事宜六品以下奏擬則校功狀殿最行藝非其人則白侍中而更焉與御史中書舍人聽天下冤滯而申理之門下省有錄事四人從七品上主事四人從八品下有令史二十二人書令史四十三人甲庫令史十三人能書一人傳制二人亭長六人掌固十四人修補制勅匠五人裝潢一人起居郎領令史三人贊者六人武德三年改給事郎曰給事中

右給事中

左補闕六人從七品上左拾遺六人從八品上掌供奉諷諫大事廷議小則上封事武后垂拱元年置補闕拾遺左

右各二員

右左補闕拾遺

起居郎二人從六品上掌錄天子起居法度天子御正殿則起居左舍人居右有命俯陸以聽退而

書之季終以授史官貞觀初以給事中諫議大夫兼知起居注或知起居事每仗下議政事起居郎一人執筆記錄于前史官隨之其後復置起居舍人分侍左右兼筆隨宰相入殿若仗在紫宸內閣則夾香案分之殿下直第二螭首和墨濡筆皆即坳處時號螭頭高宗臨朝不決事有所奏唯辭見而已許敬宗李義府爲相奏請多畏人之知也命起居郎舍人對仗承旨仗下與百官皆出不復聞機務矣長壽中宰相姚璩建議仗下後宰相一人錄軍國政要爲時政紀月送史館然率推美讓善事非其實未幾亦罷而起居郎猶因制勅稍稍筆削以廣國史之闕起居舍人本記言之職唯編詔書不及它事開元初復詔修史官非供奉者皆隨仗而入位於起居郎舍人之次及李林甫專權又廢太和九年詔入閣日起居郎舍人具紙筆立螭頭下復貞觀故事有令史三人贊者六人貞觀三年置起居郎廢舍人

右起居郎

典儀二人從九品下掌贊唱及殿中版位之次侍中版奏中嚴外辦亦贊焉

隋謁者臺有典儀武德五年復置肆門下省

右典儀

城門郎四人從六品上掌京城皇城宮殿諸門開闔之節奉管鑰而出納之開則先外後內闔則先內後外啓閉有時不以時則詣闕覆奏

有令史二人書令史二人武德五年置門僕八百人番上送管鑰

右城門郎

符寶郎四人從六品上掌天子八寶及國之符節有事則請於內既事則奉而藏之大朝會則奉寶

進於御座行幸則奉以從焉大事出符則藏其左而班其右以合中外之契兼以勅書小事則降符函封使合而行之凡命將遣使皆請旌節旌以顯賞節以顯殺有令史二人書令史三人主贊二人主符四人主節四人武后延載元年改符璽郎曰符寶郎開元元年亦曰符寶郎

右符寶郎

宏文館學士掌詳正圖籍教授生徒朝廷制度沿革禮儀輕重皆參議焉

武德四年置修文館於門下省九年改曰宏文館貞

觀元年詔京官職事五品已上嗜書者二十四人隸館習書出禁中書法以授之其後又置講經博士儀鳳中置詳正學士校理圖籍武德後五品以上曰學士六品以上曰直學士又有文學直館皆它官領之武后拱垂後以宰相兼領館務號館主給事中一人判館事神龍元年改宏文館曰昭文館以避孝敬皇帝之名二年曰修文館景龍二年置大學士四人以象四時學士八人以象八節直學士十二人以象十二時景雲中減其員數復為昭文館開元七年曰宏文館置校書郎又有校理離校錯誤等官長慶三年與詳正學士講經博士皆罷顯以五品以上曰學士六品以下曰直學士未登朝為直館

右宏文館學士

校書郎二人從九品上掌校理典籍刊正錯謬凡學生教授考試如國子之制

有學生二十八人令史二人楷書十二人

供進筆二人典書二人楷書手三人筆匠三人熟紙裝潢匠八人亭長二人掌固四人通考職官考

右校書郎

中書省中書令一人正一品掌佐天子執大政而總判省事凡王言之制有七一日冊書立皇后皇

太子封諸王臨軒冊命則用之二曰制書大賞罰赦宥慮囚大除授則用之三曰慰勞制書褒勉贊

勞則用之四曰發勅廢置州縣增減官吏發兵除免官爵授六品以上官則用之五曰勅旨百官奏請施行則用之六曰論事勅書戒約臣下則用之七曰勅牒隨事承制不易於舊則用之皆宣署申覆然後行焉大祭祀則相禮親征纂嚴則戒飭百官臨軒冊命則讀冊若命於朝則宣授而已冊太子授則璽綬凡制詔文章獻納以授記事之官

武德三年改內書省曰中書省內書省曰中書令曰中書令龍朔元年改中書省曰西臺中書令曰右相光宅元年

改中書省曰鳳閣中書令曰內史開元元年改中書省曰紫微省中書令曰紫微令天寶元年曰右相至大歷五年紫微侍郎乃復爲中書侍郎

右中書省中書令

侍郎二人正三品掌貳令之職朝廷大政參議焉臨軒冊命爲使則持冊書授之四夷來朝則受其表疏而奏之獻贊幣則受以付有司

右侍郎

舍人六人正五品上掌侍進奏參議表章凡詔旨制冊璽書冊命皆起草進畫既下則署行其禁有四一曰漏洩二曰稽緩三曰違失四曰忘誤制勅既行有誤有奏改之大朝會諸方起居則受其表狀大捷祥瑞百寮表賀亦如之冊命大臣則使持節讀冊命將帥有功及大賓客則勞問與給事中及御史三司鞠冤滯百司奏議考課皆預裁焉以久次者一人爲闕老判本省雜事又一人知制誥顯進畫給食於政事堂其餘分署制勅以六員分押尚書六曹佐宰相判案同署乃奏唯樞密遷授不預姚崇爲紫微令奏大事舍人爲商量狀與本狀皆下紫微令判二狀之是否然後乃奏開元初

以它官掌詔勅策命謂之兼知制誥肅宗卽位又以它官知中書舍人事兵興急於權便政去臺閣
決遣顯出宰相自是舍人不復押六曹之奏會昌末宰相李德裕建議臺閣常務州縣奏請復以舍
人平處可否先是知制誥率用前行正郎宣宗時選尚書郎爲之主書四人從七品上主事四人從
八品下有令史二十三人書令史五十人能書四人蕃書譯語十人乘驛二十人傳制十人亭
長十八人掌固二十四人裝制勅匠一人修補制勅匠五十人掌函掌案各二十人

右舍人

右散騎常侍二人右諫議大夫四人右補闕六人右拾遺六人掌如門下省

右右散騎常侍諫議補闕拾遺

起居舍人二人從六品上掌修記言之史錄制誥德音如記事之制季終以授國史有楷書手四
人典二人

右起居舍人

通事舍人十六人從六品上掌朝見引納殿庭通奏凡近臣入侍文武就列則導其進退而贊其拜
起出入之節蠻夷納貢皆受而進之軍出則受命勞遣既行則每月存問將士之家視其疾苦凱還
則郊迓有令史十八人典謁十八人亭長十八人掌固二十四
人武德四年廢調者臺改通事詔若曰通事舍人

右通事舍人

集賢殿書院學士直學士侍讀學士修撰官掌刊緝經籍凡圖書遺逸賢才隱滯則承旨以求之謀
慮可施於時著述可行於世者考其學術以聞凡承旨撰集文章校理經籍月終則進課於內歲終

則考最於外開元五年乾元殿寫四部書置乾元院使有判正官四人以一人判事押院中使一人
院置使及檢校官改修書官為麗正殿直學士八年加文學直又加修撰校理刊正校勘官十一年
置麗正院修書學士光祿門外亦置書院十二年東都明福門外亦置麗正書院十三年改麗正修
書院為集賢殿書院五品以上為學士六品以下為直學士宰相一人為學士知院事常侍一人為
副知院事又置判院一人押院中使一人元宗嘗選者儒日一人侍讀以質史籍疑義至是置集賢
院侍講學士侍讀直學士其後又增修撰官校理官待制官留院官知檢討官文學直之員募能書
者為書直及寫御書人其後亦以前資常選三衛散官五品以上子孫為之又置書直至十九年以
書直畫直搨書有官者為直院至德二年置大學士貞元初置編錄官四年罷大學士八年罷校理
置校書四人正字二人元和二年復置集賢校理罷校書正字四年集賢御書院學士直學士皆用
五品如開元故事以學士一人年高者判院事非登朝官者為校理餘皆罷初太宗即位命京官五
品以上更宿中書門下兩省以備訪問永徽中命宏文館學士一人日侍制於武德殿西門文明元
年詔京官五品以上清官日一人侍制於章善明福門先天末又命朝集使六品以上二人隨仗侍
制永泰時勳臣罷節制無職事皆待制於集賢門凡十三人崔祐甫為相建議文官一品以上更直
待制其後著令正
高待制官日二人

右集賢殿書院學士直學士侍讀學士修撰官

校書四人正九品下正字二人從九品上有中使一人孔目官一人專知御書檢討八人知書官八
人書直寫御書手九十八人畫直六人裝書直十四人造筆

直四人搨書
六人典四人

右校書正字

史館修撰四人掌修國史

貞觀三年置史館於門下省以它官兼領或卑位有才者亦以直館稱以
宰相修撰又於中書省置秘書內省修五代史開元二十年李林甫以

宰相監修國史建議以為中書切密之地史官記事隸門下省疏遠於是諫議大夫史館修撰尹愔
奏徙於中書省天寶後它官兼史職者日史館修撰初入為直館元和六年宰相裴洵建議登朝官
領史職者為修撰以官高一判館事未登朝官皆為直館大中八年廢史館直館二員增修撰四
人分掌四季有令史二人楷書十二人寫國史楷書十八人楷書手二十五人典書二人亭長二人

掌固四人熟紙匠六人
通志職官畧

右史館修撰

秘書省監一人從三品少監二人從四品上丞一人從五品上監掌經籍圖書之事領著作局少監

爲之貳

武德四年改少令曰少監龍朔二年改秘書省曰蘭臺監曰太史少監曰侍郎丞曰大夫秘書郎曰蘭臺郎武后垂拱元年秘書省曰麟臺太極元年曰秘書省有典書四人楷書十八

令史四人書令史九人亭長六人掌固八人熟紙匠十八裝潢匠十八筆匠六人

右秘書省監丞

秘書郎三人

按舊唐書作四人

從六品上掌四部圖籍以甲乙丙丁爲部皆有三本一曰正二曰副三曰貯

凡課寫功程皆分判校書郎十人正九品上正字四人正九品下掌讎校典籍刊正文章

右秘書郎

著作局郎二人從五品上著作佐郎二人從六品上校書郎二人正九品上正字二人正九品下著

作郎掌撰碑誌祝文祭文與佐郎分判局事

龍朔元年曰司文局郎曰郎中佐郎曰司文郎有楷書五人書令史一人書史二人掌固四人

右著作郎

司天臺監一人正三品少監二人正四品上丞一人正六品上主簿二人正七品上主事一人正八

品下監掌察天文稽歷數凡日月星辰風雲氣色之異率其屬而占有通玄院以藝學召至京師者

居之凡天文圖書器物非其任不得與焉每季錄祥書送門下中書省紀於起居注歲終上送史館

歲頒歷於天下武德四年改太史監曰太史局隸秘書省有七年廢監候龍朔二年改太史局曰秘書

監置副監及丞主簿改司辰師曰司辰長安二年彈儀監復曰太史局廢副監及丞隸麟臺俄改曰渾儀

天文博士曰臺臺郎歷博士曰保章正景龍二年改太史監不隸秘書省復置丞景雲元

年又為局隸秘書省踰月為監歲中復為局二年改曰渾儀監開元二年復曰太史監改令為監置

少監十四年大史監復為局以益為令而廢少監天寶元年太史局復為監自是不隸秘書省乾元

元年曰司天臺藝術人韓穎劉恒建議改令為監置通元院及主簿置五官監候及五官禮生十五

人掌布諸壇神位五官楷書手五人掌寫御書有令史五人天文觀生九十人天文生五十人歷生

五十五人初有天文博士二人正八品下歷博士一人從八品上司辰師春官夏官秋官冬官中官

五人正九品下裝書歷生掌候天文掌教習天文氣色掌寫御歷後皆省

正各一人正五品上副正各一人正六品上掌司四時各司其方之變異冠加一星珠以應五緯衣

從其方色元日冬至朔望朝會及大禮各奏方事而服以朝見乾元三年置五官正及副正

右司天臺監丞

五官保章正二人從七品上五官監候三人正八品下五官司歷二人從八品上掌曆法及測景分

至表準

右五官保章正監候司歷

五官靈臺郎各一人正七品下掌候天文之變五官挈壺正二人正八品上五官司辰八人正九品
上漏刻博士六人從九品下掌知漏刻凡孔壺為漏浮箭為刻以考中星昏明更以擊鼓為節點以
擊鐘為節武后長安二年置挈壺正乾元元年與靈臺郎保章正司歷司辰皆加五官之名有漏刻
生四十八人典鐘典鼓三百五十八人初有刻漏視品刻漏典事掌知刻漏檢校刻漏後皆省
新唐書
百官志

職官
約雅堂藏板

右五官靈臺郎挈壺正司辰漏刻博士

殿中省監一人從三品少監二人從四品上丞二人從五品上監掌天子服御之事其屬有六局曰
尚食尚藥尚衣尚乘尚舍尚輦少監爲之貳凡聽朝率屬執繖扇列於左右大朝會祭祀則進爵行
幸則侍奉仗內驂乘百司皆納印而藏之大事聽焉有行從百司之印左右仗廢左曰奔星右曰內
駒兩仗內又有六廐一曰左飛二曰右飛三曰左萬四曰右萬五曰東南內六曰西南內園苑有官
馬坊每歲河隴群牧進其良者以供御六閑馬以殿中監及尚乘主之武后萬歲通天元年置仗內
六閑一曰飛龍二曰祥麟三曰鳳苑四曰鴻鸞五曰吉良六曰六群亦號六廐以殿中丞檢校仗內
閑廐以中官爲內飛龍使聖曆中置閑廐使以殿中監承恩遇者爲之分領殿中太僕之事而專臺
輿輦牛馬自是宴游供奉殿中監皆不豫開元初閑廐馬至萬餘匹駱駝巨象皆養焉以駝馬隸閑
廐而尚乘局名存而已閑廐使押五坊以供時狩一曰鷓坊二曰鵠坊三曰鷄坊四曰鷹坊五曰狗
坊侍御尚醫二人正六品上主事一人從九品上

武德元年改殿內監曰殿中省龍朔二年曰中御
府監曰大監丞曰大夫有令史四人書令史十二

人左右仗千牛各十人掌固亭長各
八人舊有天藏府開元二十二年省

右殿中省

進馬五人正七品上掌大陳設戎服執鞭居之仗馬之左視馬進退

天寶八載罷南衙因省進馬十
二載復置乾元後又有大厩十

四年
復

右進馬

尙食局奉御二人正五品下直長五人正七品上諸奉御直長品皆如之食醫八人正九品下奉御

掌儲供直長爲之貳進御必辨時禁先嘗之享百官賓客則與光祿視品秩而供凡諸殿月享視膳

乃獻

龍朔二年改尙食局曰奉膳局諸局奉御皆曰大夫有書令史二人書吏五人主食十六人主膳八百四十人掌固八人

右尙食局

尙藥局奉御二人直長二人掌和御藥診視凡藥供御中書門下長官及諸衛上將軍各一人與監

奉御泣之藥成醫佐以上先嘗疏本方具歲月日泣者署奏餌日奉御先嘗殿中監次之皇太子又

次之然後進御太常每季閣送上藥而還其朽腐者左右羽林軍給藥飛騎萬騎病者殞焉

龍朔二年改尙

藥局曰奉醫局有按摩師四人呪禁師四人書令史二人書吏四人直官十人主藥十二人藥童三十八人合口脂匠一人掌固四人

侍御醫四人從六品上掌供奉診候

司醫五人正八品下醫佐十八人正九品下掌分療眾疾

昔貞觀中置

右尙藥局

尙衣局奉御二人直長四人掌供冕服几案祭祀則奉鎮圭於監而進於天子大朝會設案

龍朔二年改尙

衣局曰奉冕局有書令史三人書吏四人主衣十六人掌固四人

右尙衣局

尚舍局奉御二人直長六人掌殿庭祭祀張設湯沐燈燭汎掃行幸則設三部帳幕有古帳大帳次

帳小次帳小帳凡五等各三部其外則蔽以排城大朝會設繡展施躡席薰鑪朔望設幄而已龍朔二年

改尚舍局曰奉展局有書令史三人書吏七人掌固十人募士八十八人舊有給使百二十人掌供御湯沐燈燭雜使貞觀中省

右尚舍局

尚乘局奉御一人直長十人掌內外閑廐之馬左右六閑一曰飛黃二曰吉良三曰龍媒四曰騶駼

五曰馱驥六曰天苑凡歲進良馬印以三花飛鳳之字飛龍廐日以八馬列宮門之外號南衙立仗

馬仗下乃退大陳設則居樂縣之北與象相次龍朔二年改尚乘局曰奉駕局有書令史六人書吏

五人獸醫七十人掌固四人習馭掌調六閑之馬掌閑掌飼六閑之馬治其乘具鞍轡典事掌六閑芻粟太宗置司廩司庫高宗置習馭獸醫

司廩司庫各一人正九品下掌六閑藁秸出納奉乘十八人正九品下掌飼習御馬

右尚乘局

尚輦局奉御一人直長三人尚輦二人正九品下掌輿輦繖扇大朝會則陳於庭大祭祀則陳於廟

皆繖二翰一扇一百五十有六既事而藏之常朝則去扇左右留者龍朔二年改尚輦局曰奉輦局

主筆各六人掌扇六十八人掌翰三十人掌輦四十二人奉輦十五人掌固六人掌扇掌翰掌執繖扇紙筆硯雜供奉之事掌輦掌率主筆以供其事高宗置掌翰通志職官略

右尚輦局